

T.M.S.

The mosque at Mecca

—

Lectures

by

Shaik Abdullah

Al-Ghamdi

—

قوم جليلك

۱۵۹ کتاب المواعظ
مواعظ
۱

شیخ عیدالله افغانی



درسعات

۱۳۳۱

فیثاتی ۳ غروش

قوم مرجان

کتاب المواعظ

شیخ عید الله افغانی



در سعادت

۱۳۳۱

هر مسلمان ايچون اوقونمسي الزم اثار :


- خلافت سياستی وتورکک سياستی : هابل آدام
- اناطولیده تورکیا يشايه جقمی ؟ : » »
- تورکیا ایچین نجات واعتلا یوللری : هاشم ناهید
- اوروپا سياستی وتورکک فلاکتی : راغب رفقی
- مغلوب ملت لر ناصل انتقام الیرلر : هابل ادم



مقدمه

عن اصل افغانستان اهالیسندن اولوب مملکتنده مقدمه
 علومى بالاكتساب هندستانك رامپو ولايتنده اكمال تحصيل علوم
 دينيه وفلسفيه ايله اورادن مصر ، حجاز ، ازمير واک صکره
 ادرنيه کلهرك نهايت لوله برغازك طاشلى قریه سنده اختیار
 اقامتله زراعت و تجارتله سلوک و حرب اخبرک ظهوريله شیخوخت
 سننه رغماً طویلادینی اوج یوز قدر دلاوران ايله جوار
 قریه لره تعرض ایدن بلغار قومیتله لرینک تنکیل و محاسنه
 شتاب ایدن و بو خصوصده بک چوق یارارلق کوسترین
 فضیلتلیمات خواجه عیدالله ابن عبدالحمید افندی مهاجرین اسلامیه
 میانده استانبوله هجرت والتجایتمش ایدی. بو ذات ستوده
 صفاتک علم و عرفانندن استانبول خلقنی مستفید ایتک اوزره
 بخاری شریفدن ایاصوفیه جامع شریفنده وعظ و نصیحت
 ایتیمی ایچون واقع اولان رجا و التماسی بالقبول اوتوز کون
 هرايکندی نمازندن صوکره اجرا ایلدیکی وعظ و نصیحتک

« علی وجه التلخیص طوتیلان نو طلرندن متشکل اشبو کتاب
« کتاب المواعظ » تسمیه ایدلدی بک چوق حقایق دینیه
وحکمییه بی جامع اولدیغندن هر مسلم ایچون رهبر فوز وفلاح
اولان بو اثر عالی هر ایکی کونلک وعظ بر درس اعتباریله
اون بش درسدن متشکل اوله رق طبع اولندی وبالله التوفیق



قوم جدید

کتاب المواعظ

درس - ۱

بسم الله الرحمن الرحيم

يا ايها الذين آمنوا من يرتد منكم عن دينه فسوف يأتي الله بقوم يحبهم ويحبونه اذلة على المؤمنين اعزة على الكافرين يجاهدون.. الى آخره

ای مؤمنرا اگر دین مبین اسلامک رکن اعظمی اولان مالاً بدنأ جهاد مفروضنده قصور وفتور ایدرده دینکزدن ارتداد ایلمسه کز جناب حق سزی بتون بتون ترک ایله یریکزه دیکر بر قوم جدید خلق بیوره جق در ایشه اوقوم هم حبیب الله وهم محبوب الله اولوب دین قرداشلری اوزرینه رفق ورقتله معامله وکفار خا کساره قارشوعنف وشدتله جهاد ایده جکدر. شو آیت جلیله نك مدلول منینی تأمل وملاحظه اولندیقی تقدیرده شوصوک محاربه ده دوچار اولدیغمز انهزام واضمحلالک تلافیسی اسبابنه مسارعته قصور ایده جک وآتیا اسباب جهادی

تهیه واحضار و ملتده غیرت دینیہ و محافظۃ وطن عشقیہ شوق و هوس حرب و قتالی اعداد ایتیہ جک اولورسہق بردها تأمین حیات و بقا ایدہ مامک شرطیلہ محو و اندراسمز محقق و مبرہندر اندلس حکومت اسلامیہ سی کوزیمزک اوکنده بر مثالدر . بر زمانلر اسپانیامک جنوبینده شمشعۃ اقبالی یوکسلن و آزمدت ظرفندہ اورپانک مدنیت حاضرہ سنہ تمل طاشی اولان ترقیات و مدنیتی ایجاد ایله الآن آثار باقیہ سندن قالان سرایلر عالی بنالر وجودہ کتورن عادتاً غریبدن طلوع ایدہ رک نور معرفتیہ بر و قتلر شرقہ طوغری اورویایی سراپا استیلا استبدادیی کوسترین بر حکومت معظمہ نک بوکون اور آثار جاہلہ و باکثہ سندن بشتہ بر اثری شوجزہ میدر ؟

ایشته عثمانلی حکومت شوکت پناہی ده بر موجۃ استیلا نشانک کیدہ رک بر سد حائلہ جاریمسیلہ قوۃ سائقہ سی قیریلوب اقسام منکسرہ سندن کلدیکی جہتہ رجوع ایدن صولرکی بر زمانلر و یانہ سورلرینہ قدر صولتله اورادہ قیرلقدن صکرہ تکرار کچدیکی طاغلری وادیلری ترک ایله اوروپادہ صوک نقطۃ استنادی اولان استانبول سورلرینہ کلدی طیاندى المزدہ قالان شو نقطہ بی ده غائب ایدہ جک اولورسہق دو کولہ جکمز یر چاہ عدمدر .

۱۳۳۰ سنه هجريه سنك ذى الحجه وذى القعدة قربان آيلرينه
مصادف اولان محاربه مزده اور تودوقس واسلاو خرسيتيانلرينك
اعلان ايندكلى صليب وهلال قتالنده خرسستوس بنده لرينك
سيف ظلم وقهريله قتل وشهيد ايديان اسلامك آتيده كى مقدار
نخنى هر وجدان صاحبنى داغدار تلف ايده جك مرتبه
شنيعه بي آشمش كچمشدر .

معنزلر	۱۹۸۱۱
معصومه لر	۵۵۳۹۷
لحوصه قادينلر	۱۳۴۹
مرضه لر	۸۶۸۲۸
باكره لر	۱۱۴۱۲
حامله لر	۹۶۶۴
كلينلر	۳۴۶۶
عجوزه واختيار قادينلر	۹۷۸۹۸
كنج جوچقلر	۹۹۹۹۹
اختيار ارككلر	۸۹۹۳
آج وبيعلاج فوت اولانلر	۸۸۹۶۱
عسكردن شهيد اولانلر	۱۱۱۱۱
قار وصغوقدن هلاك اولانلر	۱۱۹۸۹
نصر اينديريلنلر	۹۹۹۹۶
	<hr/>
	۶۰۶,۸۷۴

شو مدهش یگونه مخدرات اسلامیه دن یالین آباق باشی
 قباق او او طوپلاناں و سورو سورو و ملمون خرسیان
 بچلرینک غایدا و دودوکلریله چارشو بازار تشریر ایدلدکن
 صکره احتراصات حیوانیه لرینک تسکینی اوغورنده ناموس ،
 وعفتلری یایمال ایدیلن ۸۹۶۶۹۳ عددیخده ضم ایدرسهك امان
 یاربى نه عبرت انگیز برهائله نمایان اولور !

ایشته بو کبی ظلم و جنایتلری ارتکاب ایدنلره قرآن مجیدده
 کافر و مشرک دینور . بونلره قارشو مالاً بدناً جهادی جناب
 واجب الوجود حضرتلری فرض عین بیورمشدر . اهل صلیب
 ارتکاب ایلدیکی سالف البیان فضایح و جنایات ایله اکتفا
 ایتیمهرك اهل اسلامى بستیون محو واستیصال ایتك غیرت ایلیمه سیله
 قتل و امحادن باقی قالانلری فکراً دینلرندن چویرهرك ارتداده
 سوق ایتك املیله برطاقم نشر یانده بولمشلردر .

ای مسلمانلر سزك دینکیز باطلدر . حق اولان خرستوس
 دینیدر . ایشته بوکون خرستوس دیرلدی سمان ایندی .
 خرسیانلره نصرت ایدیور . اگر سزك دینکیز حق اولسه
 ایدی محمد سزه یاردم ایدردی . کلکیز خرسیان اولیکز یوقسه
 خرستوس افندینک امری اوزرینه ذکور وانات و کبار
 وصفاریکیزك کافه سنی قتل ایده جکیز دییورلر . واسفاکه خواجه

و شیخ‌ریزیدن بعضاری، بعض جاهل‌ری ایله آنله تابع اولان جاهل و غافل ناسدن برطاقی نه یایه لم جناب حق لوح محفوظده بویله یازمش قدریمزده بوده وارمش کبی واهی و شرعاً مذموم فکرلره ذاهب اولدقلری کبی قدر و قضایی اولکیلر کبی تلقی ایتمین بعض کنج فکرلیلرده طالع حرب علیهمزه دوندی مغلوب اولدق . دییورلر ایسه ده بونلرک کافه سنک ذهاب باطل وزعم فاسدلرخی آیات قرآنیه واحادیث نبویه واحکام توراتیه وفلاسفه ودلائل عقلیه وقطعیه ایله رد و جرح ایدرم .

حکم قرآن موجبنجه اسباب انهمزام ومغلوبیتیمزه شروعدن مقدم اعتقادات دینییه وسیاسیه می وترجه احوالی بسط و بیانیه مبادرت ایدرم .

اسم عیدالله بن عبدالحمیددر . عالم بن عالم سنم یتیمش اوچدر . مسقط رأسم افغانستأنك غزنین ولایتنده باد کول عربانده شهباز خان قریه سنده وردك طائفه سندن نوری قبیله سندنم . پیشاور ولایتنده شام ومصر ومکدنك خندریس محله سنده مشهور اظهارالحق مؤلفی مولوی رحمة الله مدرسه سیله ازمیرده خاتونیه مدرسه سنده علوم عقلیه منطقیه وفلاسفه اسلامیه ایله اشتهار ایتدم . ادرنده اسکی جامع شریفده بخاری شریف محدثکی و ادرنه مدافعی شکری پاشا خواجه سی دینمکه معروفم

اسکچده دخی محدث خواجه عنوانسه یاد اولنورم یکریمی
یدی سندن بری لوله برغوس داخلنده طاشلی قریه سنده متوطن
ومتأهل اولوب زراعت و تجارت ایله اشتغال ایتدم . و بوسایه ده
ذی مال و ذی عیال اولوب بری حج الاکبر اولوق اوزره درت
دفعه ادای فریضه حج شریفه موفق اولدم ایسه ده صایمش
اولدیم بو اوصاف و مزایا بنجه لاشیش قییلنددر . هیچ بیله
افتخار ایتیم . بو صفات زشرف ایله سنسز رب العالمینه
حضور مات و دولته حاشا و کلا کندی می تقدیم ایده م .
بنجه حماقت و جنتدر . آنجق باعث فخر و مباها تم و بر عمل صالحم
وارسه اوده افغانستان ایله انکلز محاربه سنده انکلز لک کابله
اولان هجوملرنده انکلز قریباً آن (کم ناری) بی ایکی طابور
عسکری ایله تحت القلعه نام محله محو و پریشان ایتهمز و محاربه
مشئومه حاضرده درجه شیخو ختمه رغماً لوله برغوس ده
باشمه جمع ایتدیکم اوچ یوز بهادر کوکلی ایله بلغار خرسیتانلره
خوف و دهشت صالهرق اون سکنز بلغار و روم قومیه سنی
تارومار و اتلاف ایدیشمدر . الیوم قاسم پاشاده زمرة مهاجرین
میاننده یم حرب و لوازم حرب احضار و اعدادینه مدار اولوق
اوزره مدافعه ملیه و تحویلات خزینه بیلتری آلق ایچون
خلقه تشویقات و ترغیبات دینه و عقیله ایله مشغولم زوجم
قومیه لک تعرضی قورقوسیه فوت و ثروت سامانم تارمار

ویوک کریمه غیب اولدی. یانمده اوچدن اون اوچ یاشلرینه
قدر اوچ اولادیم ایله زمره مهاجرین میاننده قناعت ووقار
ایله امرار زمان ایدیورم خون کفار ایله آلوده اولان سیفم
بوآنه قدر صوم وصلات وحج دن افضل وارحج اولدینی ایچون
بالال وبالنفس جهادم ایله حضور حقه وحضور امت اسلامه
یوزی آق اوله رق چیقهرم. زیرا حضرت رسول مجتبا احد
محاربه سنده (انا بنی لا کذب الی آخره) بیورمقله کافه قریش
بیننده شجاعت وجسارتیله افتخار ایتمش وحضرت امام علی
دخی خبیج بر زمان صوم و صلاة وحج کبی عبادات ایله افتخار
ایتموب آنجق جنک رسیلده زور شجاعتیله فخریه خوان
اوله رق (انا الذی سمتی امی سید الخ) بیورمشدرد.

اعبادالمسیح بخاف محبی ونحن عید من خلقالمسیحاً

آن نه من باشم که روز جنک بینی پشت من
آن منم کاندرمیان خاک وخون بینی سری

تابعیتمه کلنجه : نعم الحیاش.. الخ وهم خیر الفوارس .. الخ
احادیث پیغمبریه ایله خلافتی ثابت اولان دولت اسلامیة عثمانیه به تابعم
وبوتبعیت ایله دنیا و مافیها فخر ایلرم حکومت اسلامیة به شرع شریفده
ظل الله دینلدیکی ایچون هر مسلم عاقلک خلافت اسلامیة بی الله کی بیوک

یلمسی فرض در علیهنده حرکت ایدنلر عاصی و باغیدر کافر
و منافقدر جنازه نمازی قلنمسی غیر جائزدر .

یا ایها النبی جاهد الکفار و المنافقین موجبنجه قتل و افناسی
واجبدر حکومت اسلامیة علیهنده قیام ایدن ارنبودلر کبی حتی
ایچمزدہ ترکلردن خواجهلردن درویشلردن خارجدہ کی دشمن
دینمک تسویلا نیلہ حرکت ایدنلر و حکومتی شورش و اختلاللر
ایله ضعف و وھنہ کرفتار ایتمکہ ساعی اولانلر کافہ شرعاً
و قانوناً قتل و اعدامی واجب کافر و منافقلردندر .

درس — ۲

بر جوق احادیث نبویہ موجبنجه دارالخلافہ اسلام
و مرکز حکومت اهل ایمان بالجملة اهل اسلام ایچون مطاع
و متبوع اولسی لازم کلدیکندن قسطنطنیہ دینلن استانبولہ
بو مرکز معظم دینہ افغانستان مصر بخارا و سائرہ کبی
اوفق تفک حکومتلر مربوط اولمیلدر (وان قستان اقتلا ...
الح) آیت کریمہ موجبنجه اسلامده ایکی خلیفہ و ایکی حکومت
متباینہ غیر جائزدر .

اگر مرکز خلافته جداً مربوطیت ابراز ایتمز لرسه قبل
شرعیده حکومت اسلامیة نظریله تلقی ایدلزلر .
اسلاملر دنیا یوزنده یکدیگرینه بعد و مسافه جهتیله نه قدر
اوزاق یرلرده بولنور لرسه بولسونلر آره لرنده رابطه واتحادی
هیچ بر زمان کوشتمک و یکدیگرلرینک حاللرندن بیکانه بولنق
کبی حالله اسلامیت جواز ویره مز . حتی عین مملکتده مقیم
اسلاملرک محله محله بر برلرینه بعید و بیکانه قالمه لری جائز دکلدیر .
نه قدر مسلمان وارسه بر عائله افرادی کبی کافه سی یکدیگرینک
اک یقین اقرباسی کبی حاللرینه آشنا نصیر ورحیم اوله جقدیر .

ملت اسلامده اتحادی محافظه مقصد علویسیله بنی ذیشان
افندیمز - استانبولده اکثر محللرده کورولدیکی وجهله - خطوه
بخطوه محله بمحله جامع بناسنه مساعده ویرمز لردی . و یکدیگرینه
یقین اولان بر قاج قریه به بر جامع کفایت ایدر بیورر لردی .
حتی اصحابدن بری قیشین یاغمور وسیلدن وره کذارنده کی بر
دره اوستنده کوپری اولمامسندن محله لرنده بر جامع بناسنه
مساعده خصوصنده واقع اولان نیاز واسترحامنه قارشو
خانه کزده ادای صلااة ایده بیلورسکز . جامع نه قدر اوزاق
اولورسه واروب جماعت کثیره ایله نماز قیلمق دهافضلدر .
مع مافیه بیوک برسیاسته مبنی اولان جمعه و بایرام نمازلری ایچون
ایکی ساعتک بعد مسافه سی اولان محللره شد رحل ایتمک

فضیلتجه ده‌ا بیوکدر بیورمش ویکدیگرینه یقین اولان ایکی
جامعدن برینک هدمنی اراده ایتشد .
استانبولده وولایاتده اکثریا مشاهده و تصادف اولندی
کبی هرايله واحق خصوصاً سیاستدن بی خبر ذلیل و سفیل
واساس دیندن واحکم قرآنیه دن غافل ومسلك پیغمبریدن
جاهل کسه لری یالکز بر کسوه علمیه ايله خطابت وعظ ونصیحت
مقاملرینه چیقارمق قدر شایان تأسف وغریب بر حال تصور
اولنه من . آیات کریمه واعمال سنیه نبویه موجبنجه مرکز
خلافتده سلاطین جامعلردن ماعداسنی وتکیه لری بر طرف
ایده رک مصارف واقعه لرینی لوازم حربیه وعسکریه به تخصیص
ایتمک اولادر . موجود جوامعده دخی مرکزده خلیفه ویا
وکیل ایده جکی الکبیوک سیاسی مأمورلر ولایتلرده سنجاقلرده
والی ومتصرفلر قضالرده قائممقاملر منبره چیقه رق سیاست
مملکت اقتضاسنجه خطبه لر او قوملیدر . بو مأمورین سیاسیه ده
مطلوب اولان اقتدار ولیاقت سیاسیه یوق ویا اسباب سائرده دن
ناشی خطابه قدرتی مفقودایسه لرلرینه اردو مشیرلری عسکری
قوماندانلری چیقه رق حوادث وشئون اسبوعیه وترقیات ملیه
واحتیاجات اسلامیه نقطه نظرندن خطبه لر ترتیه آنلره متعلق
آیات واحادیث ايله توشیح ایده رک جماعتک لسان مادر زادیه
ایراد ایتمک لازمدر وشرعیسی بودر . یوقسه جاهل آرانوودک

یازمچیدن حاضر مکتوب طلب ایتمی کبی هیچ کسه نك
ا کلامیه جنی برلسانده کیم بیلور هانکی بر مطبعه ده طبع ایدلش هیچ
بر مناسبتی اولیان موضوعه مقام مخصوصیله خطبه او قومق
نه دیمزه نه ده منطق و حقیقه موافق دکدر . مع التأسف جریان
حال ایسه بوندن بشقه بر شی دکدر . زهی سیاست ! زهی
دیانت ! زهی ملت !

چکنلرده سیاسی غزتله لدن برنده عموم ترکیاده لسان
عربک تعلم و تعمیمه اهمیت ویرملی ایش که ملت هیچ اولمزه
جمعه کونلری قرائت ایدیلن خطبه لری آکلاویه بیلسون
دینیلوردی . بو سوزده بلاهت اثریدر . خطبه یی آکلاتمق
ایچون بتون ترکله عربجه یی اوکرتمکدن ایسه خطبه یی ترکجه
ایراد ایتک قدر قولای برشی تصور ایدیلورمی . ذاتاً امام
اعظم مذهبجه قرآن وحدیث و خطبه یی ترجمه جائزدر .

پیغمبر افندیمنز یالکز قوم عربیه بعث بیورلمدی قرآن
عظیم الشانک عموم السنه یه ترجمه سی فرضدر « وما ارسلناک الا
رحمه للعالمین » بیورلدی عالمک دین مین اسلامه دعوتنه مأمور
اولان نبی ذیشان افندیمنزه نازل اولان کتاب واقعا عربجه
ایسه ده هر دعوت ایدیلن قومک عربجه اوکرنمی لازم کلز
او کتابک احکام و معانی جلیله سنک السنه اقوامه صورت
صحیحه و سالمه ده بالترجمه اوصورتله تلقینانده بولنمق اقتضا ایدر

کتابتک اصل قدسیتی معانی جلیله وجهیه سنده در قدسیت
لفظیه ایکنجی درجه ده قالور . هر فرد احکام و اوامر دینه سنی
کتابندن او قورسه ایمانی یوکسه لور شروفساد آزالور دینسزک
رواجی زائل اولور .

مملکت مزده ارباب شروشور و اهل فساد هیچ بر زمان
اکسک اولیوب ملتک ترقیات و تجلیاتنه هر دائم مانعه لرتشکیل
ایدن انواع قیاملر اختلاللر چیقارمقده و حکومت هر بار
بوکی احوال مؤسفه قارشوسنده بولنه رق ایجابنه کوره اسباب مانعه
ودافعه یه تشبث ایتمکده ایسه ده فرقه جلیق یوزندن صولک
ارناوودلق اختلالیه مخالفت طرفدارانک منافع عامه دن
زیاده منافع شخصییه مجلویت بلیه سیله اردویی افساد
وشیرازه انتظامی اخلال نتیجه سیله آلتی یوز سنه ک عثمانی
دولت معظمه سنی اوج یوز الی ملیون اهل اسلامک
قبه کاهی اولان مقام خلافتی اویله بر درکه سفلیه یه اسقاط
ایتدیلرکه بوکون جهان اسلامیتک کوز یاشلری بو حال فجاعته
سبب اولانلری بو غه حق درجه ده غلیانده در . بونلرک اسباب
اصلیه و حقیقیه سی ارا نلیوب بک سطحی نظریه لر ایله وقت
کچشدیریلور . حالبوکه بو احوال مؤسفه والیمه نک باشلیجه
سیبلری موضوعات دینه مزدن برچوقلرنده جاری اولان
والان هیچ برینی دکشدیرمک فکری بیله تبادر ایتمین

۱. بول وعادات قدیمه من و بعضی مصنفات و تدریسات من و سیاست
حاضره منی سیاست قرآنیہ ایله مزج ایتمکده کی قصور لریمز
تکاسل لریمزدر .

بآدمی نتوان گفت ماند این حیوان
بجز دراعه و دستار نقش بیر و نش

بکرد در هم اسباب و ملک و هستی او
که هیچ چیز نیابی حلال جز خونس

بر طاقم خواجه و شیخ و بونلره تابع و خادم ارباب جهل
قبا صوفیلر جهان اسلامیتک همان هر طرفنده کندیلرینی برر
رهر نجات و فلاح اولق اوزره طانتدیره رق پیغمبر ذیشانمزلک
قول حکیمانہ سنجه اعداملرینه جواز ویرملک لازم کلور کن
طوندقلری مسلک ناهموارده کندیلرینه عادنما مسامحه و مساعدہ
ایدندکجه و کندیلرینه دستور حرکات اتخاذایلدکلری مصنفات
مصنوعه ملتک دست توقیرندن قالدیرلمدکجه ملت اسلامک شرعاً
مذموم و منفور اولان حال مسکنتدن مرغوب و مقبول اولان
دائرة فعالیتہ کچمیه جکئی دلائل عقلیه و نقلیه ایله اثبات
ایده جکم .

درس — ۳

بنی دیشانمز یالکز جمعه کونلری منبرده خطبه و وعظه مساعده ایدر لر، بواصر مهمی اویله هر کسه لایق کورمز لردی . یالکز عبدالله ابن مسعود بر پنجشنبه دن پنجشنبه یه قدر آبروجه وعظ ونصیحت ایدر ایدی . چونکه جامعده ایدیلن وعظ ونصیحتی خلق بر امر قاطع تاقی ایدر . تأثیری پک بیو کدر .

فساد العالم فساد العالم وصلاح العالم صلاح العالم

بیوره رق علما صنفنده بولنانلرک درجه اهمیتلرینی کرک فسادده و کرک صلاحده ایضاح بیورمشلردر .

حکومتتمز شمدی یه قدر بر چوق یرلردن اصلاحاته بدأ ومباشرت ایتیش ایسه ده اصل قاو رابه جق نقطه بی بوله مدینی ایچون واقع اولان تشبثات هب نمره سز وعقیم قالمشدر . اوروپا عقلا سنک کندیلرنجه بیله ظاهرا اولان باطل دینلرینی هر درلو اصلاحاته مقدمه طوتمسندن اولسون عبرت آلیورمی یز . پاپاس میسیونر تشکیلاتنک اوروپاده واوروپا خارجنده نه بیوک تأثیرلر

اجرا ابتدائی کور میوری ز . انگلتره ترقیات می اولدر
پروتستانلقمی ؟ شبه ایدمز که پروتستانلق ظهور ایتیوبده
اسکی خرسیانیت باقی قالسه ایدی مدنیت حاضره دن نام ونشان
اولمزدی .

پروتستانلق خرسیانلقلک اصلاح اولمش بر صورتیدر .
قاتولیک واورتودوقس اولان اسپانیولر روسلر ایله پروتستان
اولان آلمانلر وانگلزلری مقایسه ایدرسه ک دینک اقوام اوزرنده کی
تأثیرینی پک عیان و آسان کورورز . فرانسلزده رسماً قاتولیکدر
فقط فرانسلز دینده مبالا تسزلق ایله عقیده خرسیانییه پی
ییرنه رق میدان ترقییه آتلاشلرسده دیفسزلکله اولان ترقیانه
اساس قویم اوله میه جنی او مملکتده وقت وقت ظاهری اولان
بر جوق مثاللره تعین ایتمکده در .

ایشته بو که مناظر غیرتما کوزیمز اوکنده جاری ایکن
بزم الآن ترقیات واصلاحات چاره لرینی آرامقده اصابت فکر
کوسترمیشمزه حیرت ایتماک قابلیدر . خرسیانلردن بر جونی
اسلامیت مانع ترقیدر سوزینی قولاقلمزه هر کون صوقارکن
بزم حالا عطالت ومسکنت ایچنده پویان اوله مزه نه دیه لم .
اسلامیت حاشا مانع ترقی دکل باعث فوز وناظم ترقی وتمدندر .
فقط بز اسلامیتک او حقیقی اصول وقواعدینی تعقیب ایتمک

وايتيورز . بر طاقم ظواهر برستك ايله اضاعه وقت وحيات ايديورز . احكام دينيه مزده كي حكمتلري حقيقتلري آرايه لم . زمان وحاله غير موافق اولان بر طاقم مؤلفات ومصنفاتي بر طرف ايدهر ك عمده دين وعقائد يمز وبرات نجات وسلامتمز اولان آيات قرآنيه واحاديث نبويه احكام منيفنجه حركت ايدهم . ايشته اوزمان اصلاحاته دينزدن عالما مزدن باشلامش اولورز كه آندن صكره كي اصلاحات آرتق كنديلكنندن طوغار . كنديلكنندن تظاهر وترقي ايدر . يوقسه عالما مزدن شيوخلر مزدن باشلاميه جق اولان اصلاحات نه مرتبه جدى اولورسه اولسون ملت ايچنده بر زمين حيات بولوب بيومنر شمدى يه قدر واقع اولان متعدد تشبثات كي خارجى داخلى بر چوق مواقع قارشوسنده سونر كيدر .

عقلا مزدن هر هانكي برينه صورولسه مبدأ ترقينك مکتبلر مدرسه لر اولديغنى اعترافده متحد كورورز . فقط مکتبلرده مدرسه لرده الك اول هانكي شينى اوكرنك لازم اولديغنى سؤال ايدرسه ك الاجمزم جوابلرك هيچ برى بر برينه توافق ايتمز . بر سورو متناقص مطالعاتدن عبارت اولديغى آكلاشيلور . حالبوكه نوسال معرفتده خطوه انداز اولان اولاد وطنك اول بأول عقیده دينه لرينى تقويه ايتك آنلرك روحنه مليت ووطن پرورلكده مبارزه حياتده الك بيوك قوتى نفخ ايتك ايدى وزوال

ناپذیر بر رابطه متینه ایله تقویه ایتک آنجق دینی روحانی بر سائق ایله اولمیدر .

لکن مکتبلرده تدریس ایدیلن علوم وعقائد دینه شمیدی
حالده بولازمه حیاتی تأمین ایده جک شکله دکدر . صوم
وصلات ، حج و ذکات کله شهادتدن عبارت بش ارکانی اوده
علم حال کتابلرندن ازبر اوقوتمقله برطلبه نه مسلمانلی اکلار
ونهده کسمهیه اکلانه بیلور . ایشه بوسبیدن درکه ترکلر بیننده
کوندن کونه فرانسزلی تقلیداً دینده مبالاتسزلق آرتیور .
آرتدجه غیرت ملیه ودینه زوال بولیور هله کبار صنفی
چو جقلربینک ملیت ودیانتی اوکرنمزدن اول فرنکلردن
یانلرینه آلدقلری ارکک ویاقادین تربیه جیلرایله بیچاره یاورولرک
بستتون علاقه ملیه ودینه لرینی وهن وضعفه اوغرا نه رق اسلامق
وترکک ایله عرقاً اولان علاقه لرینی بیله کسه رک ظاهر آ کندیلربینک
اولادلرینی تربیه ایده میه جک قدر تربیه سز معناده دین وملیتده
نه مرتبه مبالاتسز جاهل کسه لر اولدقلرینی اثبات ایدیورلر
بوکندی شخصی خطالربدر . فقط برده جمعیت اسلامیه یه قارشو
شو حرکتلریله ایشلدکلری جنایتی نظر امعانه آورسوق معاذالله
تعالی دیمکدن بشقه برده جکمز قالمز . ایشه اوقیل بالارک اولادی
یوقاروده تعریف ابتدیکمز اونوع تربیه نک تلیدانی که بتون عالم
اسلامه قارشو آچیلان شو اهل صلیب محاربه سنده نه بدناً

ونه ملاً اشتراك ايتمه رك بر آمر يقالى قدر صغوق قانله سيرجى
قالديلر . حكومتلر رسماً برر دينه سالكدرك حكومت عثمانيه نك
دينى دين اسلامدر ارباب حكومتتمز مربوطيت دينه لر ينى بك
صيقى طومش اولسلر شبه يوق كه خلق ده حكومتك سياسته
تابع اولق طبيعتيه روابط دينه لرى آرناز چونكه الناس على
دين ملوكهم بيورلشدر . بوراده ملوكدن مقصد حكمدار
وحكومت ديمكدرك .

جاهل بلغار ملتى مقتدر و صورتا ديندار حكومت منتظمه
سايه سنده احراز شان و غلبه ايتديمى ؟ آنلر باطل دينى بوقدر
سورلر سه بز دين مينمز نه دن جان وكوكلدن صارلمه لم
اسلاميت بر نور هدا و حقيقتدر كه سالكلرينى هر زمان عزيز
قىلار .

انياء ذیشان حضراتى بر طرفدن وعظ و نصيحت ايدرلر
قول و نصيحتله قبول حق ايتملره قارشو تحشيد قوتله سل
سيف جلادت بيورلردى . متعصين جهلاى دين افعال انيائى
ترك ايدرك دعايله استمداد و فعلياتى اهل ايدرك اوهام و خيالات
آرقه سنده قوشوب دعالر و نياز لرله نصرت الهيه طلبنه سالك
اولدجه هيچ بر موفقيت تأمين ايدميه جكلرى شرعاً و ديناً
نابتدر . شرح مواقب ده شرح و بيان اولنان شوايت جليله او
كبى جهلانك افعال مردوده سنه بك صريح و قاطع بر جوابدر .

ولولا دفع الله الناس بعضهم ببعض لفسدت الارض
 بالاده کي تمهيدادن اكلالشدني
 وجهله دين ومليتده کي مبالا تمزلنگ اسبابي تحري ايدہ جک
 اولور سه قاك بيوك مسئوليت او امرالهيہ و دينيه بي تبليغه مأمور
 و احکام منيفه شريعتي اهمال وتسبب واسباب عديده دن ناشي
 بك روحسز معناسز بر شكلده حصر و ادامہ يہ ساعی اولان
 خواجه لرہ شيخلره و بونلره تابع اولانلره توجه ايدر. حكومت
 عثمانيه بي مالا بدناً معينسز بر اقدرمغه يونان بلغار پاپاسلري
 نه قدر صرف اقدام ايتديلر سه بعض خواجه و شيخلرك ده خلاف
 قران و حديث اولان پروغرام و مصنفاتي اوراق مضره کي
 دولت اسلاميه نك شرف دنويہ و اخرويه سنه او قدر مانع لر
 احداث ايتمش و ايدہ گلشدر. حرب حاضرده مالا و بدناً حربہ
 اشتراكده قصور و فتور ايدوبده قرآن مجيده موجود متعدد
 آيات كريمه موجب نجه ارتداد لرندن شبهه ايديلن خواجه و شيخلره
 ارتدادده آنلره اشتراك ايدنلرك شمدی يہ قدر تعقيب ايتدكلري
 پروغرامی ترك ايله قران و احاديث نبويه احکام منيف نجه بر
 پروغرام تشکيل ايدہ رك ديني ، دنوي ، فکري ، سياسي
 بالجله امور و معاملات مزده او پروغرامك دستور العمل
 اتخاذ اولنسي و بوسيله ايله برنجي درسك باشنده تلاوت اولنان
 آيت جليله يہ موافق بر قوم جديد ظهوري لازمدر . بونلر

مجدد دین محب الله و محبوب الله دشمنه قارشو شدید، دین قرداشلی آرهنده حلیم و رحیم اولق اوزره توصیف بیورلمشدر. ملتک بو اوصافی حائز بر قوم جدید حالته چویرلمسی کافه اهل اسلام و ایمان اوزرینه فرض عیندر اسکی پروغرام اربابی اولان صارقلیلر و شیخلر حرب حاضرده قصور و فتورله دین اسلامدن ارتداد ایتدکرینه شوآیت جلیله اثباند . و یستبدل قوماً ... الخ فسوف یأتی الله بقوم ... الخ

اوکیلر زمره منافقین و کافریندن معدوددر آنلره سلام ویرلمز جنازه نمازی قلناز اهل اسلام آنلردن قطع علاقه ایتلمیدر ذات عسره محاربه سندن اهم اولان محاربه حاضره مزده علما کسوه سنده اولانلردن طوت طاوور اماملرینه وارینجیه قدر صنوف عدیده اربابی حاشا وکلا کندیلرینی ورثه انیا عدایدن خواجه و شیخلردن هیچ بری میدان جهاده شتاب ایتدکری تواتر درجه سنده ایشیدلدی و برچوق شیخلر خواجه لر ذیمال اولدقلری حالد حرب اوغورنده بذل مالدن ابا واجتتاب ایتدکری ده حدتواتره وارمشدر بونلردن صرف نظر جوامع و مساجدده معاشر سائر اسلامده خلق اعانه تشویق خصوصنده ذره جهامک صرف ایتمامشلرحتی معاونتدن بیله منعه چالشمشلردر بو کیلر منافقین زمره سندن اولوب جزالرینک اسفل سافلین اولدیغنی شو آیت کریمه خبر ویریور .

هم الذين يقولون لا تنفقوا . . . الخ المنافقون والمنافقات بعضهم من بعض تأمرون بالانكروينهن عن المعروف يقبضون ايديهم.

محاربه ده قصور وفتور ايدن كافه اهل اسلام قريبه ده اولسون هند ، سند ، بخارا ، افغانستان حجاز سودان قريم قازان وساثره كجي بلاد بعیده ده بولسون بدناً حربه اشتراكدن عاجز و بو خصوصه معذور ايسه لربانقلر پوسته لر واسطه سيله پاره ارسالنه امكان وار اولديغندن مطلق بمطلق مالا اشتراكلى فرض عين ايدى هله بر طاقلىرى بلاد بعیده دن برى حج بر جوق پاره صرف ايدوب كليورلرده اوباره لرى حرب اعانه سنه صرف ايتمكدن چكينيورلر عجا او حاجيلر روز جزاده بو عمل لرندن ناشى معذور طوتيلورلرمى ؟ لا والله .

اجعلتم سقايت الحاج الخ . . . ايشته ديديكم كجي بلاد قريبه ده اولسون بعیده ده بولسون كورطوپال فقير مستثنا ديكركيمسه لردن ورثه انيالق ادعا سنده بولتان خواجه لردن طوت مدرسلر مفتيلر قاضيلر شيخلر درويشلر تاجرلر صنعتكارلر والحاصل كافه خلق بيكرجه آيات بينات ايله ثابت اولان جهاد بالمال والنفس دن عمداً اجتناب ايتدكلرندن ناشى قرآن مجيد حكمنجه مرتد ومنافق زميره سنه داخل و واجب القتل. اولمشلردر. يا ايها النبي جاهد الكفار والمنافقين . الخ . . . وفرح المخلفون . . . الخ

بوکیلرک تجدید ایمانی ذیمال اولانلر نقود موجوده لربنک
 نصفی دارالخلافت اسلامییه ویت المال مسلمینه ارسال ایتدکجه
 میسر اولسه کرک تا که اوپاره ایله کفار فجاردن انتقام آلسون
 وضبط اولنان ممالک نزع ایدیلهرک جوامع و مساجدیمزده
 تکرار کلمه الله ذکر اولنسون یوقسه کونده یوز بیک امت بالله
 اوقوسه لر کیجه کوندوز نماز قیلسه لر زمان سعادتده
 اصحاب کرامدن ایکن حربده قصور وقتورلرندن ناشی
 حضور نبویدن مطرود اولان مراره کعب هلال کبی
 رسول الله افندیملرک آرقه سنده نماز قیلانلردن دخی اولسه لر
 ویوز بیک دفعه حج ایتسه لر امام اعظم قدر عالم و شیخ عبد-
 القادر کیلانی قدر غوث و قطب اولسه لر دارالخلافت اسلامییه
 کفار خاکسار طرفندن ایدیلن تعرضی و هجومده مالاً و بدنأ
 حربیه اشتراک ایتدکجه تجدید ایمان ایده میه جکالر و شوآیت کریمه
 موجبنجه مرند و کافر اوله رق حشر اولته جقلر و الحاصل اهل
 کفر و جهنم زمره سنه التحاق ایلیه جکلردر .

و لیلیم الله من ینصره و رسوله ... الخ

جناب حق جهادی فرض ابتدی تا که رسول اکرم
 و خلیفه اسلامه مالاً و بدنأ نصرت ایدن و ایتمین دینده صادق
 و منافق اولان بللی اولسون

یا ایها النبی جاهد الکفار والمنافقین واغلظ علیهم وماؤیهم جهنم
ای بنم نبیم ظاهرأ و باطنأ کافر و یا ظاهرأ اسلام و باطنأ کافر لرہ
شدتله جهاد ابله آنلرک مکائی جهنمدر .

ظاهرأ اسلام و باطنأ کافر اولانلرک بیلنمسی کوچ اولدینی
ایچون جناب واجب الوجود حضرتلری پیغمبرذیشانسه علامت
نفاقی بروجه آتی بیان بیورمشدر .

قالوا نشهد انک لرسول الله ... ان المنافقین هم الکاذبون
اسلام قیافتندہ کی منافقلرک کلمہ شہادتہ کوونہ آنلر دینده
کاذبدرلر آنلرک فرقی مالاً و بدنأ جهادده بللی اولور .

درس — ۴

استانبولک بعض خواجهلری و شیخلری حافظلری و حاجیلری
و آنلره تابع اولانلر بیک درلوار تکابله جرأت ایدنلر صرستندہ
تورات طاشیان حمارلر کبی کتابلرله اوغراشه رق جهادی ترک
ایتدیلر برطاقلری ده غرض دنیوی اوغورنده آیات واحادیثی
کندی منفعتلری اقتضاسنه کوره تفسیر ایدرلر قرآنی پاره

ایله او قویان حافظلره فرقه جیلوق دعواسیله اتحاد اسلام وتشیید
قوای امت قصدیه چالیشان وفرقه محاربه اولان اتحاد وترقی
فرقه سنه دین دشمنلریله مشترکاً مسلط اولان منافقلره وبالنتیجه
ملیونلره اهل اسلامك دشمن ایاغی آلتنده پامال اولسنه عرض
و ناموسلرینك بربادینه سبب اولانلره فی سبیل الله جهاد ایچون
مالاً وبدناً قوشه جق اولانلری بیک تزویرایله بواصر عظیمدن
منعه و بیک درلو اغفالکارانه دسائسه سالک اولانلره لغت .

لغت الله علیهم وعلى الهم واقوالهم وعلى تألیفاتهم ومصنفاتهم
واعتقاداتهم اجمعین

ایها المنافقین شوایت کریمه نك حکمی سزوده شاملدر

قاتل کم الله هم الذین یقولون لاتنفقوا من عند رسول الله
حتى ینفضوا

محاربه زماننده کندیلری حربه کیتمدکلری کبی کیده جک
اولانلری ده مالاً وبدناً جهاددن اغفال ضمنتده خفیاً سز
رسول الهه ویا خلیفه رسول الله اولان پادشاه اسلامه اعانه
ویرمیکز تا که دشمنه قارشو عاجز وضعیف دوشه رک حربدن
قاجسونلر .

واذا رثیم تعجبك اجسامهم وان يقول تسمع لقولهم كأنهم
خشب مسندة قاتلهم الله

مذکور منافق لک جبه صاریق طلیسان و سائر البسه ایله
مزین و منقش هیکل و اجسام کبی هیئت لرینی باقهرق تعجب ایله
خوشنه کلیر سده سوز لرینی ایشیدنجه منافق لقلرندن ناشی آنلرک
اغا جدن مصنوع برر هیکل اولدیغنه حکم ایدرسک قاتلهم الله

تا مرد سخن نکفته باشد عیب و هنرش نهفته باشد
لا تنفروا فی الحر قل نار جهنم اشد حرا

منافق لر بر برینه حرارت زماننده محاربه اولور می دیر لر .
ای رسول او منافق لره سوبله جهنم آتشی دها صبیحا قدر .
محاربه یه کیتیمانلر جهنم آتشی دوشونسون . المنافقون و المنافقات
بعضهم من بعض یأمرون بالمتکر وینهون عن المعروف یقبضون
ایدهم نسوالله .. الخ . یا ایها النبی جاهد الکفار و المنافقین الخ ..
ظاهر ی اسلام اولان منافق لر ذی مال اولمقله برابر لوازم حربیه یه
مالاً اعانه ده بولنیوب اللرینی صیقی طوتار لر . جیش الله اولان
جنود اسلامیه نی ترک ایتدکری کبی سائر لرینی مالاً بدنأ جهاد
مفروضدن اغفال ایدر لر . ای نبی ذیشانم کفار و منافق لر له جهاده
سن مأمور سن اعانه حربیه ده استمهال بیله جائز دکلدر . نر ده

قالدی که عدم اجابت ذیمال اولانلردن اعانه طلب ایدلدیکی زمان اوکیمسه مهلت طلب ایدرسه مجرد تعلل واستمهال ایله منافق عاصی و کافر در آنلر حقنده شو ایت نازل اولمشدر .

لا یستأذک الذین یؤمنون بالله انما یستأذک الذین لا یؤمنون بالله .

ای حبییم جهاد بلمال والنفس خصوصنده تعلل واستیذان ایدن مؤمن دکلدر . اصل اهل ایمان مالاً بدنأ جهاد مفروضدن کندیلرینک معاف اولسی خصوصنده استیذان قبول ایتمزلر .

محاربة حاضره من ذات عسره اولان ایام زمهریره به تصادف ابتدیکنندن اولکی ذات عسره محاربة سنه مشابهدر . ذات عسره شدت حرارته تصادف ایتمش ایدی . صغوق بهانه سیله حربدن اجتناب ایله بیان عذر ایدنلرکده منافق و اهل جهنم اولدقلری بنه لانتفرو فی الحر . آیت جلیله سیله ثابتدر . زیرا برودت ایله حرارت شدائد طبیعیه دن برشیدر .

ای احکام قرانیه دن غافل واسلاملق دیندارلق ادعا سنده بولنان جاهل کیمسه لر شورایه پک زیاده دقت ایدیکنز که صوم و صلات و ذکر و حججه دوام وثبات ایله مالاً بدنأ جهادده قصور ایدنلرک دخی کافر و منافق اولدقلری شو آیت جلیله ایله ثابتدر .

واذا انزلت سورة ان امنوا بالله وجاهدوا مع رسوله
استأذنك اولو الطول منهم وقالو ذرنا نكُنْ مع القاعدین الخ ..
صوم وصالته دوام ایدن منافق‌لر مالاَ بدنأ جهاد امری
كلنجه بزم راحت‌مزی بوزمیک بزى متقاعدین ايله یعنی علیل
و کورتورم اختیارلر ايله براقیکز دیه‌رک سزدن مساعده ایسترلر .

کهنه پروغرام فاسددر . مذکور پروغرام ارباب‌نک دبدیکی
کی مؤمن و کافر بیننده کی فرق سوم صلات حج دکدر .
بلکه مالاَ بدنأ حرب و جهاددر . بوقوله شو نص قاطع نازل
اولمشدر .

الذین آمنوا یقاتلون فی سبیل الله والذین کفروا یقاتلون الخ
اهل ایمان فی سبیل الله مالاَ بدنأ جهاد ایدر کافرلر کندی بتلری
ایچون حرب ایدر . دیگر برآیت دهده

فرح المخلفون بمقعدهم خلاف رسول الله

یعنی صوم و صلات حج ده دوام و ثبات ایدنلر بوکون
خلاف رسول الله اوله‌رق مالاَ بدنأ مفروض اولان جهاددن
روکردان اولدیلر آنلر منافق‌در فاسد اولان کهنه پروغرام
دینک بقاسنی صوم و صلات حج ايله تعریف ایدر حقیقت اویله
دکدر بلکه پروغرام جدید ایجابجه مالاَ بدنأ جهاد ايله‌در

بویله اولدیفی ده شو آیت ایله ثابتدر . لن ترضی عنک الیهود
والانصارى ... الخ

یا حیدیم یهود و نصارا سزی کندی دین و ملتربنه چویر-
مدجکه سندن اصلا راضی اوله منزل .

شوآیت کریمه موجبنجه نصارا حکمدارلری حمایه سنده کی
اسلاملر بحق مسلمان اولمدقلری صراحتاً کلاشیلور چونکه
بومسلمانلردن نصرانی اولان حکمدارلری راضیدرلر و رسماً
آنلری کندی ملتق صره سنده طانور حالبوکه یوقاریکی آیت
کریمه موجبنجه ملل نصارا اسلاملری کندی دین باطللرینه ارتداد
ایتدیرنجیه قدر آنلردن راضی اولمیه جقلردر .

لا یزالون یقاتلونکم ... الخ

طائفه نصارا دائمی صورتده سزکله مقاتله ایدرلر تا که
سزی کندی دینکزدن ارتداد ایتدیرسونلر . مصابجده محرر
شو حدیث شریفده بوآیات جلیله بی تأیید ایدر .

رضاء کافر غضب رحماندر غضب رحمانده رضای کافردر .
یعنی برکافرکه براسلامدن صوگ درجهده راضی در همه حال
او اسلام مقهور و مغضوب رحماندر ممالک خرسقیانییهده کی
اسلاملر کی برکافرکه برمسلمانانه صوگ درجهده غضب و عداوت

ایدر او مسلمان مرضا و محبوب رحماندر ترك خلفای
اسلامیه سنده کی اسلاملر کی .

وقاتلوا هم حتی لاتكون فتنه ویكون الدین لله

عندالله دین اولان دین اسلام مصون قالنجیه قدر کفار
فجارك فتنه وفسادینه قارشو مالا وبدنا جهاد ایدیکنز .

ایشته بآیت جلیله دن آکلاشلدیغنه کوره انکلیز فرانسز
روس حمایه وتابعیتده بولنان مسلمانلر دارالخلافه اسلامییه
اولان استانبوله مالا ونقداً اعانانده بولندقلری وجهاد مفروضدن
محروم قالدقلری جهته آنلرک دینی تام دکلدز .

خواجه وشیعخر زعم فاسدلرنجه بز وارث انیا و اولیایز
دنیا بزم ایچون دوزخدر موت راحتدر آخرتده جنت و جمال
بزمدر دیرلر . بزده آنلره اشته چتالجهده حرب وار مسلك
انیا و اولیاده اولانلر مالا بدناً جهاد مفروضه بالاشترک شو
دنیا دیندن شهیداً قورتولنجیه قدر جهاد ایدره رک جنت و جمال
واصل اولسه کرکدر دیدک ایسهده آنلر کندی فاسد پروغرا-
ملری اوزرینه جوامع ومدارسده تکیه وزاویه لرده مالا یعنی
مسائل ایله مشغول اوله رق ترك جهاد ایلدیلرکه شوآیت جلیله
آنلرک احوال واقوالنه قارشو برنص قاطعدر .

ان زعمتم انکم اولیاء الله من دون الناس فتمنوا الموت ان
کنتم صادقین ولا یتمنونه ابدا

ای منافق! زعمکز موجب نبجه ا کر سز صحیح اولیاء الله
ایسه کز محاربه ده اولومه رسیده اولنجیه قدر آرزوی قتال ایدیکز که
قولک زده صادقیندن اوله سکز حالبوکه آنلر اصلا اولومی آرزو
ایتمز و حرب ده کیده مز .

درس — ۵

اولیاء الشیطان اولان بر طاقم خواجه و شیخلرک قلوبلرینه
شیطان خوف و هراسی القا ایدر جهاد و جنکدن قورقارلر
قدسیتلر یله افتخار ایدن مصر یلردن محمد علی زماننده بر چوغی
عسکره آلمق قورقوسندن شهادت بر مقبرینی قطع ایده رک
کندیلرینی سقط زمره سنه الحاق ایدرلردی بونلر کبی حرب
و ضربدن قورقارلر هر هانکی قوم و ملتدن اولور سه اولسون
مؤمن دکدر بلکه آنلره اولیاء الشیطان دنیلور . ایشه آیت
کریمه انما ذالکم الشیطان یخوف اولیائهم فلا تخافوهم و خافون

ان کتم مؤمنین. تعلیم عسکری شرفدن محروم اولان کسه لر شو آیت کریمه شرفندن ده محرومدر لر حتی امام محبوبی مذهبنجه بلا استئنا هر فرده فرض اولان تعلیم عسکری بیلمین کسه لرك آرقه سننده نماز قیلمق جائز دکلدر جناب واجب الوجود حضرتلری عسکر و تعلیم سلاح خصوص سننده شو آیتلری تنزیل بیورمشد ر .

وانزلنا الحدید فیه باس شدید و منافع للناس .. بز حدیدی خلق ایلدک بونده جرح و ضرب کبی بر طاقم مضر تر عذابلر وار سه ده انسانلر ایچون ده بر چوق منافع واردر کفار فجارک دفع شری ایچون مستعمل اولان قلنجلر طوپلر تفنگلر کبی بو آیت جلیله ده دمیرک خلق بیورلمه سنی جناب حق انزلنا ایله تعریف بیور بیور لر بونده بر حکمت عظیمه و بر معجزه جلیله واردر انزال آیات کریمه نك نزولنه مخصوص اولدینی حالده دمیرک خلق بیوراسنه ده تخصیص بیورلمش یعنی آیات قرآنیه انسانلرک دنیا و اخرتده کی رفاه و سعادتلرینی موجب اولدینی کبی دمیرک دخی دنیاده انسانلره نه درجه ده منافع تأمین ایده جکنه اشارتدر . فی الحال زمانمزک صنایع و تجارتی شویله بر ملاحظه ایده جک اولور سه ق صرف دمیر مصنوعات و معمولاتنک کسب ابتدیی ترقی و تعالی یوزندن حصوله کلدیکنی کسه انکار ایده مز .

ان الله يحب الذين يقاتلون في سبيل الله صفاء الخ

جناب حق تعلیم عسکریده و یا حربده بولنان صفوف حیثی
پک زیاده سور .

والصافات صفأ . . . الخ

تعلیم و حرب اوزره اولان صفوف عسکریه اوزره
قسم ایدرم

نص قاطع ایله خلافتی ثابت اولان دولت اسلامیة عثمانیه نك
زیر تابعیتندگی عرب تانار ارنبود شیخ مدرس مکلی یملی
والحاصل اقوام مختلفه واصناف اسلامیة دن مالاً بدنأ و متحدأ اعظم
عبادات اولان جهاده اولیاء الله اولان اولاد ترکدن عبدالرحیم ،
جمال الدین ، شکری ، رضا ، بکر ، جاوید ، رؤف ، انور ، عزت
وامثالی صل الله تعالی علیهم و علی الهم واصحابهم و قدس الله اسرارهم
حضر اننک حیوش و صفوفنده و یاخود بونلره مالاً و نقداً معاوندته
بولنانلر صنفنده اوله رق اشتراك ایتمینلر دین میندن ارتداد
وطوعاً قرستوس دین باطلانی قبول ایدنلر صره سنده درلر .
ارناوودلر دین اسلامدن ارتداد ایتدیلر کفار فجار ایله
عسا کر اسلامیة علیهنده یا استعمال سلاح و یا اردوی اسلامی
ضعفه دوچار ایتک اوزره صف حربدن فرار ایدره رک کونا
کون افسادات و تسویلات شیطانیه ایله انهمزام اسلامه سبیت
و یردکلرندن کافرا ولدیلر مصر و هند اهالیسی خلافت اسلامیة به

نقداً معاونت ایتدک کردند هندلیلر انکلتزمه و بخار الیلرله تاتارلر روسیه
فاس و تونس و جزایر لیلر فرانسه به و حجاز و یمن لیلر نفسـلرینه
تابع و عثمانلی ترک کردند بر قسمی ده خرس توسک و کیلی اولان
بطریقخانه ایله بالاشتلاف صورت خفیه ده قرستیان دینه التفات
واکا معاونت قصدیله حکومت اسلامیه و خلافت عثمانیه نك
اجرا ات و حرکاته مخالفت قیدینه دوشه رک پاپاسلر بوشو
و قوزمیدیلرله یکسان و اتحاد اسلامه اعلان عصیان ایله سمعا
و طوعاً دین مینه سوء قصده عزمران اولدقلرندن اهل
ایمان اوزرینه قیامتی قوباردیلر .

بنی علی السلطان بنی علی الرحمن مفاد نجه اسلامدن معشر
اسلامدن روگردان اولوب ده دشمن دین و کفار ایله مشارکت
ایدن اسلام اسم و کسوه سنده کی مرتدلره قوم عتیق دییورز
او قوم که حربدن قورقار جهاده مالاً بدنأ قوشمقدن حذر
ایدر جیانتله ارتدادی قبول ایدر بویله اولانلره قارشو جناب
حق یکی بر قوم جیقاره جفنی وعد ایدیور بو قوم جدید اخلاق
حسنه ایله متحلی متحد متفق عندالله محبوب و حبيب جسور
غیور محارب مجاهد و غازی و اهل ایمانه رؤف مشفق و رفیق
کفار فجاره عزیز و جبار و مظفردر حدیث شریفده بیان
بیوریلان مهدی و مجدد دین زمان ایشه بوزماندر مهدی کو کدن

اینمیه جکدر اهل اسلام ایچنده طلوع و ظهور ایله جهان اسلامی
اشراق و تنویر ایلیه جکدر ایشته اوده اولسه اولسه قوم جدیددن
بشقه برشی دکدر

ای امت اسلامی باقکز آیت کریمه نه خبر ویریور

یاایهاالذین آمنوا من یرتد منکم عن دینه فسوف یأتی الله
بقوم یحبهم ویحبونه اذلة علی المؤمنین واعزة علی الکافرین
یجاهدون الخ

ایشته بو آیت کریمه دن صراحتاً مستبان اولورکه خلاف
قرآن و حدیث و خلاف حقیقت اسلام جبین جاهل ذلیل
مسکین بر قوم عتیق واردر . بوقوم اعتقادات دینه و سیاسییه
خلاف قرآن اوله رق حرب و لوازم حرب و حسن اخلاقه
علوم و فنون حکمت و تجارت و صنایع و ثروت و سیاست و سائر
آدمیت و بشریتک موجب شان شرفی اولان کمالات و ترقیاتیه
اعتبار و اعتقاد ایتمز . بوکبی کمالاتدن محروم اولدقلری جهتله دائماً
مغلوب و مقهور اولورلر . و یوما فیوماً دیندن ارتداد اوزره درلر .
تدریجاً خرستیان دیننه کیررلر . بونلر جناب واجب الوجود
حضر تلیرتک باشلیجه امریور دینی شیلردن بیکرجه سنی هیچ
قاله آلیه رق ارکان دینی یالککز بش شیئه یعنی صوم صلاة حج

ذکات و کلمه شهادته حصر ایدر لر و کافه معاملات و حرکاتده
او امر قرآنیه و احادیث نبویه خلافتده اولسه دخی کندیلرینه
برکوی، حلبی، شافعی، کنزمنیه المصلی، مالکی، فتاوی. حنبلی الخ.
کبی بر طاقم کتابلری دستور العمل اتخاذ ایدر لر . بو کتابلر
اختلافات کثیره، نفاق و شقاق و منافرت ایله مملودر. بونلرله
اجرای عمل غیر جائزدر. الیزده قرآن عظیم الشان و احادیث
نبویه کبی حجج قاطعه و ارکن الآن بو کبی کتابلرله عمل ایتمک
قوم عتیقست کاریدر . کتب مذکورده مدون احکامک پک
جوغی عقل و منطق علوم و فنون حاضرده مخالفدر . بناءً علیه
احکام جلیله قرآنیه و احادیث مقدسه نبویه دخی مخالفدر .

درس -- ۶

قوم عتیق

بوقاریدن بری ذکر ایتدیکنز قوم عتیق و قوم جدیدی
صره سیله ایکی بحثده ایضاح ایتمک ایسترم .

دین اسلام شمشعۃ اقبالیہ ارض حجازدن طلوع ایدہ رک آز
مدت ظرفندہ شرق و غربہ شمال و جنوبہ ولہ انداز استیلا
اولدقدن ونیجہ نیجہ علوم و فنون و صنایع و تجارتندہ آثار ترقی
کوسترہ رک دنیایہ برمدنیت سریعہ نشر ایتدکدن صکرہ یواش
یواش احکام منیفہ وعادات مستحسنہ موحدینہ خلل طاری
اولہرق بر طاقم اعتقادات و خرافاتہ میدان آچلمش احکام
دینہ کونا کون تفسیراتہ اوغرا دلش اوامر جلیلہ الہیہ ونبویہ دن
بر چوقلری اہمال و ترک ایدیلہ رک اسلامیت صوم و صلاۃ حج
ذکات کلمۃ شہادت اولہرق یالکز بش رکنہ حصر ایدلمش حتی
علم چیندہ اولسہ کیدوب الیکز کی اوامر جلیلہ نبویہ
قارشو عصیان ایدیلہ رک اوروپادہ ظہور و ترقی ایدن نیجہ نیجہ
علوم و فنونہ قارشو عادتاً خصومت ابرازینہ قدر تعصب
وجنایتلر ارتکاب ایدلمش و بر زمانلر منبع علم و عرفان و دار
الصناعۃ چہار اقطار جهان اولان مراکز اسلامیہ انحطاطہ
یوز طوتوب یوماً فیوماً درکۃ سقوط و افولہ قویولمشدر
ایشتہ جهان اسلامک شو حال سقوطنندہ بیلہ او یانمق
واویاندیرمق ایستہ میوب بش شیدن عبارت اولان بنای اسلامہ
تمسک ایدن مسلماندر سارق قاتل ادبسر اخلاقسر اولسہ

مسلمدر بوش شیدن برینى ترك ایدن کافر در سلام ویرلر
 جنازه نمازی قلماز کبی کندیلرنجه بر تعصب جاهلانه احداث
 ایدن خواجه و شیخلر و انلرک پیرولری ده قوم عتیق در. احکام
 عدیله دینه ده اهل و یالکز صوم و صلاته افراطه واریله رق
 قوام ارکان دین جهاد و لوازم جهادی ذکر بیله ایتین بیکلرجه
 کتاب تصنیف ایتشلر مثلاً برقادی حالت وضع حملده جنینک
 نصفی خارج و نصف اخیری داخلده ایکن وقت کلسه همان
 جنینک باشنه بر چوملک کچیره رک نمازنی ادا ایتلی کبی عقل
 و شرعک خلافتده بحثلرله کتابلر طولدر مشلر صومده کل
 قوقلامق یا خود حال صومده ایکن برکسه نک آغزینه سیوری سینک
 قاجق ایله اوروج بوزیلورمی بوزلمز می کبی اوزون اوزون
 فقط هیچ اهمیتی اولیان مسئله لرله اوغراش مشلر ملتک اسباب
 انقراضی و باعث ترقیسی نه کبی شیلر در ذهن بیله یورمق طرفی
 التزام ایتماش لدر که بوکبی شیلر نه آیات و نه حدیث شریفده
 بر اشارت یوقدر. حج خصوصنده ده بر طاقم مبالغه لر میدان
 ویرمشلر در زمزم ایچن جهنمه کیرمز کبی ذکات بحثده
 ایسه ذکاتی حکومتدن غیری به ویرمک خلاف قرآندر ذکات
 حدیث شریف موجب نه ده حکومت ویریلور حکومت اهلنه

صرف ایدر لتاخذ من اغنیائهم وتقسم علی فقرائهم بوکا اشارتدر
سن اغنیادن ذکاتی آل آنلرک فقراسی اوزرینه تقسیم ایت
خذمن اموالهم صدقه . . . الخ

صدقه بی آنلردن آل

دیمک اولورکه ذکات حکومت اسلامیہ نک مأمورلری واسطه سیله
تحصیل اولنه حق وینه حکومت اسلامیہ طرفندن اهلته توزیع
وتقسیم ایدیله جکدر . هرکس کلن کیدن دینلنجیلره جرارلره
ذکات ویرمک جائز دکلددر .

قوم عتیقک عقائدی

وبالقدر خیره وشره من الله تعالی یعنی خیر وشر اللهدندر
هرکسک قسمتی ازله یازلمشدر جف القلم قسمتک هر نه ایسه
آیاغنه کلیر قدری تدبیر بوزاما از اسلام اولمیان هر نه قدر اخلاق
حسنه و افعال خیره صاحبی اولسه ده ینه کافر در الی الابد
جهنمده برقرار در مقتوللره وارنجیه قدر هرکس اجل ایله .

اولور حضر وعیسی هنوز بر حیاتدر جناب حق رسول الله
افندیمزه کل حیم بن سکا عاشق ویا مشتاق اولثم اسلام نه
قدر جنایت ایشلرسه ایشله سون صوکی ینه جنتدر وبر براق
قرق بیک سنه افندیمزه عاشق اوله رق جنتده آغلایوب طور یور
جنی وبری انسانلره مسلط اولور دعایه آشنا برخواجه ویا
درویش او قورسه کچر عبدالقادر کیلانی شیخ شاذلی وشیخ
رفاعی واخل اولیادر وبونلره انتساب ایدنلر دنیا واخترده
بهره یاب اولورلر بو اولیایه یتشن یاپیر دییه ن کسه یه امداد ایدرلر
مرادی حاصل اولور .

اولیلر حربده یشیل صارق وجبه ایله حربه کیدرلر
جامعلره تکیه لره طویلانوب دعا و نیاز ایله اشتغال ایدیلورسه
حربلر قازانیلور فتوحات اولور وکذا وکذا

ایشته بوکی اعتقادلر من اول الی اخره خلاف قرآن
وحدیثدر بونلرک هربری شو آیات قرآنیه و حدیث نبویه ایله
مردوددر .

فن یعمل مثقال ذره خیراً یره ومن یعمل مثقال ذره شرّاً یره

کیم که ذره قدر خیر ایشلرسه مکافاتنی وکیم که ذره مقداری
شر ایشلرسه مجازاتنی کورور .

خلقکم لیلو کم احسن عملاً .

جناب حق سزی خلق ابتدی . آنجق علم ازلیسی میدانه
تظاهر ایتسون که هانکیکز خیر عمل ایشلر .

وان لیس للانسان الا ماسی .

انسانک سعی وغیرتله تحصیل ایدیلندن ماعدا بشقه بر قسمتی
یوقدر .

افلا تتدبرون .

سزنه ایچون تدبیر ایتیمورسکز .

وشاور هم فی الامر .

هرایشده سن اهل ایمان ایله مشورت ایله .

ولکم فی القصاص حیوة

سزک ایچون قصاصده حیات وار .

لایبقی علی وجه الارض ... الخ . بخاری شریف .

یوز سنه کچنجیه قدر شمیدیکی بر حیات اولانلردن بر
کسه قالمیه جق .

انی متوفیک ورافعک .

يا عيسى سنك روحى قبض ايده جكم وروحى فردوس
اعلايه رفع ايده جكم .

العشق والاشتياق لا يطلق على الله شرح مواقف
عشق واشتياق صفات ناقضه دن اولد قلرندن جناب حقه
اطلاق اولنه مز .

من قتل مؤمناً متعمداً فجزاؤه جهنم خالداً
بر كسه بر مؤمنى عمداً قتل ايدرسه جزاسى الى الابد نار
جهنمدر .

فاهتز الفرس... الخ مواهب لدينه
رسول الله افنديمى بر آته بينه جكى زمان شاهلانىق استهدى .
اتسمع الموتى... الخ .
اولولره مى ايشتدير يورسك ؟

درس — ٧

قوم عتيقك فروعات اعمالى ومنهيات
بوش، خالى مدرسه وتكيه وجامعلىر وعظام رميم ايله مملو
قبرستانلر ايجاب ايتسه ده لوازم عسكرى وحرى به ويرلنز .

رمضان شریفک یکر می بدنجی کیجه سی قدر در . آیاقده
 وباشی آجیق صو ایچمک وبول ایتمک حرامدر . واولونک
 آرقه سنده دور واسقاط وهبت قبلت دیه رک دور واجبدر .
 یاپلر سه اولو جهنمه کیدر . قورشون نسخه سی ، قرطاسیه
 وپهلوان نسخه سی ، جنی بری نسخه سی ، وضع حمل نسخه سی
 واستنجاده خنصره بنصره دبرینه کیفیت وکیت ایله ادخال
 واخلارجی واولو ایله جماع وقوع بولور سه غسلك وجوب وعدم
 وجوبی ، سنت دوکونی ، جنت ده هر بر کسه به یتش حوری
 وغللمان واردر . بر کیجه ده یتش حوری ایله جماع ایدنلرک
 ذکر ی هنوز سکون بولمز ، جنت ده لواطه وارمی یوقی اختلاف
 علما واردر . بعدالبول ذکرینی الله طوتوب قرق خطوه
 کیتمک سنت سنیه در . بیقلرینی کسمیان ، فرانسرجه وسائر لسان
 تعلم ایدن ، علوم فنون حکمیه اوکرنن ، اعانه عسکریه وسائر
 بر امر خیر ایچون اجتماع ایدن نسوان ، واولوبی تشریح ایدن
 وبرای امر سیاسی رسمی چیقاران وسوقاق کلبرینی اتلاف
 ایدنلر وخسته خانه لرده خسته لره مجروحینه خدمت ایدن قادینلر
 هپ کافر در .

برای تکریم اولیا و انبیا قبورینه رکوع و سجده ایتمک
دیز چو کک اولیا و انبیاء عظام مستثنا اولق اوزره دیگر
کبرا و اعظم دن برینه ویا برقاچه اللهم صل رضی الله عنه و قدس
سرہ کبی ادعیه و تصلیہ ده بولنقی، طیب حاذقک امریله ده اولسه
برای قوت و علاج اسپرتو قوللانق هپ موجب کفر و انمدر.
شورایه قدر صایدیغمز ودها نیجه بر طاقم شیلر قوم عتیق
و مقلدین کتابلرنده موجود خرافات و نا معقول و مخالف آداب
احکام وارد رک آنلری برای رد یازمسی بیله موجب حیا
و شرمدر.

بزکه خالص مسلمان اولدیغمز ایچون قرآن ذیشان و حدیث
بنی آخر زماندن ماعدا هیچ بر کتاب ایله عمل ایتمیز. دیگر
کتابلرده کی احکام احکام شرعیه دینمز کتاب منزلدن بشقه
کتابلرله استدلال و حکم ایدنلر کافر و فاسق اولورلر.
شو آیت جلیله

ومن لم یحکم بما انزل الله فاؤلئك هم الکافرون
هر کیم که کتاب منزلدن غیر یسنی دستور العمل اتخاذا یدرسه
کافردر

ومن لم یحکم بما انزل الله فاؤلئك هم الفاسقون
هر کیم که کتاب منزلدن غیر یسنی ایله حکم ایدرسه فاسق
و فاجردر.

وان تنازعتم فی شیء فردوه الى الله ورسوله . . الخ اگر
بر مسئله دینه و دنیویه نزاع و خلاف ظهور اید رساله سز
او مسئله بی کلام الله و کلام رسوالله مراجعتله حل ایدیکز .

بو اوج آیت جلیله موجبنجه خلاف قرآن و حدیث و عقل
اولان کتب قوم عتیق محتویاتی که حلبی ملتقا فتاوا و سائر کبی
کتابلرده محرر در . آنلری دستور العمل اتخاذ ایتک غیر جائز در .
الله و بیغمبرک احکامندن بشقه شیرله اجرای عمل اولنیه جنی
قطعیاً تظاهرایدیور . ذاتاً قرآن عظیم الشانک اوج یوزشوقدر
یرنده لعکم تعقلون افلاتذکرون افلاتشعرون افلاتنظرون
افلا تتفکرون افلا تعقلون لاتفقهون لاتفهمون لاتعرفون کبی
عقل و ادراکک تدبیر و تذکرک لزوم اعمال واستعمالنه یک چوق
امرلر وارد در .

دینمزده دستور العمل اتخاذ اولنان واستدلالات عقل و نظر
خصوصنده کی شیر انسانلره بخش اولنان عقل و کیاست فکر
و ذکاوت کبی رهبر حقیقت اولان خصائص نور الهیدندر . اساس
و سیاستمز بونلره مستند اولمق لازمدر . قوم کهنه نیک احکامی
عنعات غیر معقوله اوزرینه و قرآن و حدیث خلافنده اداب
واجتماعیات مدنی و السانیه ایجاباتی خارجنده اولدیفندن کراحت
و نفرتله مردوددر .

صلوات و تکریم بخته کلنجه خلافت عثمانیه مالاً بدنا
جهاده ثبات و دین مینه قارشو سل سیف ایدن کفارہ مقابل
ایثار خون شهادت ایدنجیه قدر فی سبیل الله جهد ایدن ارکان
وامرای جنود اسلامیه به صل الله علیهم و علی آلهم واصحابهم
ورضی الله تعالی عنهم اجمعین دینک جائزدر . اللهم صل علی آل
ابی وفا فخر و اله ساجدین .

زمان سعادتده آل ابی و فادینان بر کسه به رسول الله افندیمن
بوصلواتی کتیره رک افراد امتدن محارب اولان کسه لرده
صلواتک جائز اولدیفی اشارت بیور مشلدر .

متعصب کسه لر کندی مسلک متعصبانه لرینه مخالف بر
آیت و یا حدیث کوردکلری زمان در حال او آیت و حدیثی
کندی مسلک جاهلانه و متعصبانه لرینه توفیقاً تأویل ایدر لر
ویا خود مفسوخدر دیر لر . مثلاً ومن اوتی الحکمة فقد اوتی
خیرا کثیرا حکم جلیلی جمیع علوم حکمیه و فنون طبیعیہ
شامل ایکن کهنه قفالر کتب جاهلانه دن استنباطاً بونک علم
فقه دال اولدیفی تأویله چالیشیر لر . او یله دکلدر بخاری شریفده
مذکور اولان بر حدیث شریفه کوره رسول کبریا افندیمن
حضرت علی بی نمازه دعوت ایتدیکی حالدہ علی جواباً
بوکون قلوبمزد قدرت الهی ده در ... الخ دیش بو حدیثدن

ایجابنده عذر نماز ممکن اولدینی استدلال اولنور . حالبوکه
کهنه متعصبلر بو حیدشه کی نمازی نافله در دبر لر ان الصلوة تنهی
عن الفحشاء . . الخ

عمل خیر اولان نماز مصلی بی فحشیاندن منع ایدر .

قوم عتیق پروغرامنده بو فحشیانی نماز ایچنده ممنوع
کرتیریور حالبوکه نماز بر عبادتدر که انسانی فحشیاندن منع
ایدر دائما عمل صالح و اخلاق حسنه اوزره بولندیرر .

حجک دخی بر امر سیاسی اولدینی متعدد آیات و احادیث
ایله مؤیددر هله بومسئله صوگ درجهده واضحدر . درت
امامه تابع اولان کهنه دیندار خواجهلر آیات قرآنی و احادیث
نبویه بی بر طرف ایدره رک کندی مصنفات جاهلاته لر بله عمل
ایتمکدن فارغ اولمز لر انلرک مصنفاتنده حرب و جهاد یوق که
کفار ایله جهاده شتابان اولسونلر

درس — ۸

قوم جدید

کفار حمایه سنده یشایان دینسز چین مسلمانلرک کافر

دوستانی جانت وکسالتی بورالرہ قدر یواش یواش انتشار
 ایتدیکندن حرب اخیرہ قوم عتیق افرادندن پک چوق شیخلر
 خواجہلر حاجیلر دشمنلرک غیرت ملیہ وسائقہ ارتشاسیلہ
 بیسلہرک بیسلمیہرک روم بلغار بطریقہخانہ لرندن نشہ ایدیلن
 بیک درلو تزویرانہ آلت اولدیلر ظل اللہ فی العالم اولان حکومت
 اسلامیہ یی دوچار ضعف و وھن ایدہ جک اسباب و وسائلک
 کافہ سنہ مراجعتدن چکینمیدیلر کفرہ اشتراک ایلہ اسلامی محوہ
 بورودیلر ملت اسلامیہ بیننہ تفرقہ دوشوردکلری ایچون دول
 متفقہ نك بر میلیون عسکرینہ قارشو اوچ یوز بیک مجاہد
 طوپلانہ بیلدی .

ایشته شو حرب الیم اثناسندہ او قییل تزویرانہ باقہ یوب
 بالجملہ موجودیتیلہ جنک وجدال میدانلرینہ آتیلہرق ایثار
 خون و حیات ایدنلرہ حکم قرآن موجبہ قوم جدید دینلور
 بو قوم جدیدک مقتداہی اعتصام ایلدیکی جبل متین صرف
 آیات قرآنیہ واحادیث نبویہ در وامای دہ یالکز حکومت
 وخلافت اسلامیہ در قوم جدید احکام دینہ دن اولان صوم
 و صلات وحج ذکات و کلمہ شہادتی حاشا اشکار ایتمز آنلرہ دہ

متمسك در فقط آنلری ارکان دین مین عدا یتیموب قوم جدیدك
احكام آیاتیه واحادیثیه دن چیقاردینی ارکان دین شونلردر

۱ — عقل

۲ — کلمه شهادت

۳ — اخلاق حسنه

۴ -- مالاناً جهاد و حرب

۵ — خلافت معظمه عثمانیه سنجاغی آلتنده اتحاد و اتفاق ایله
تحصیل لوازم حربدر .

شمدی بونلری تحلیل ایدلم .

ارکان اسلامیه دن برنجیسی عقلدر چونکه عاقل اولمسان
بر فرد دین ایله مکلف دکلدر . وحدانیتی عقل ایله بولوق
حضرت ابراهیم کبی عظمت و قدرت وجود الهیه بی تصدیق
ایلك آنجق عقل سایه سنده در . ایکنجیسی کلمه شهادتدرکه
رب تعالی و پیغمبری تصدیقدر .

اوچنجیسی اخلاق حسنه : بشریت ومدنیت وبالجمله ادیان
اخلاق حسنه اوزربنه مؤسدر . بر کیسه نه قدر دیندار

اولورسه اولسون اخلاق سيئه ايله متصف ايسه آنك ديندار .
 لغندن نه كندی ونه ده سائرلری فائده كورمز . نماز صوم
 ذكات حج اخلاق حسنه ايجاباتندندر . نماز صاحبی فسق
 وفجور دن منع ، خالق كائناته كمال خشوع وحضوع ايله عبادت
 وسجده در ، صوم كذا قواي خمسهي تهذيب يعنى كوزی
 فنايه باققدن لسانی مالا يعنى سوزدن قولاغی اولور اولمز شیلری
 اشمكدن وقواي سائرهي غير مرغوب احوال دن حفظ ايجون
 آنلری تحريك واغوايه بادی اولان قوتلی غداردن امساك
 وصحت بدن نقطه نظرندن معده وامعای حیمه ايله تقویه دن
 عبارتدر .

ذكات هم جنسسه معاونت نقدیه ومالیه ده بولمق ايجون
 حكومتیه ویریلن وحكومت طرفندن لزومی اولان جهتلره
 صرف ایدیلن قرقرده بر ویرکوی بینیدر . حج ايسه چار
 اقطار ، جهان دن خلافت اسلامیه نك حکم ونفوذ واداره سی
 آلتنده بولنان بر مرکز سیاسته طویلانمق واوراده بتون اهل
 اسلام ممالكندن كلن كبرا اغنيا فضلا سیاسیون یکدیگريله
 اختلاط واستیناس ايله ممالك مختلفه اسلامیه نك شمس خلافت
 عظمای اطرافنده برر پيك کبی نه صورتله حرکت ایتلمی اقتضا
 ایلدیکنی بالمشاوړه كافه اقطار اسلامیه بی وحدت فکر وامل
 دائره سنه آلمق حکمتیه بینیدر .

اركان دينك دردنجيسى اولان مالاؑ بدنآ جهاد ، دين
وممالك اسلامى كافه سى اسلامه دشمن اولان كفارك تعريضى
وهجوملرندن محافظه اخلاق فاسده لرندن ممالك وبلدان موحدىنى
صيانته هر مسلم عاقل ايچون فرض عيندر . عبادات و طاعاتك
اشرف واقدم وافضليدر اسلام ايله منافق صادق ايله مفسد
آنچق جهاد ايله فرق اولنور . جهاد و حرب ظهورنده مالاؑ
وبدنآ اشتراك ايتيملر منافق وكافر در .

بشنجيسى اتحاد و اتفاق و اخوت دائره سنده تحصيل لوازم
حربدر كه هر قوم بوسايه ده موجوديت اجتماعيه و مليه و سياسيه .
سنى محافظه ايدم بيلور بونك شمولى بك چوق بك دريندر .
ملتك سويه عرفان و ثروتنى ارتقا ايتديره بك جميع علوم و فنونك
تحصيلى و صنايع و تجارت خصوصنده جهد و اقدام و تربيه اجتماعيه
و سياسيه نك تعميمى و الحاصل ملتك تكامل و تعاليسى امرنده
هر نه وسائل و اسباب و ارسه كافه سنه توسل هپ بولوازم حرب دائره
شمولنده در . برملت اسلحه سنى و السابحات سبجآ قول ربانيسه
توقير اولنان زرهلى سفينه لرينى طور پيدولر ينى طباره لر ينى كندى
فابريقه لرنده انشا و اعمال ايتمزسه انلرى وجوده كتوره بك
ثروت و نقودى قازانه جق صنايع و تجارتى الّه آلمزسه فقر

و جهالت ایچنده نه قدرتی اولورکه هر کون بر درلو اختراعاتیه
جهان بشریتی دائرة اسارت واستیلاسی آلتیه چالیشان
اوروپایه قارشو مدافعه وطن و ملیت ایده ییلسون .

ای امت محمد براقیکز قوم عتیق خواجه لرینک شیخ لرینک
ترهاتی. حبل متین محمدی به صاریلکز قوم جدید پروغرامی
اوزره هپ بردن انفاق و اتحاد اوزره سعی ایدیکنز
مملکتک صنایع و تجارتی و طولایسیله ملتی وانک تمثالی اولان
حکومتی تقویه ایدیکنز یوقسه کوریورسکز که یوزلرجه سنه لردن
بری بتون ممالک اسلامیه اسکی پیرانمش سوخته پروغراملرینک
سوق ابتدیکی جهل و کسالت و قیدسزلق یوزندن برر برر
اوروپایلرک ربقه اسارتنه کیردیلر هانی اومعظم اندلس حکومتی
هانیا هندستانک اومشعشع سلطنتلری هانی ایرانک دارات
وددبه سی هانی فاسک قوت وسطوتی هانی سلطنت عثمانیه نک
بتون اوروپایه تحکمی هیات بونلرشمدی برسراب برخیال کبی
ماضینک ظلام تبعادینه قارشیدی کیمدی بتون اسلام مملکتلر -
ینک اوکنده برر سیاه اوچوروم کندیلرینی بلع واقنا ایتک
تهلکه سنی کوسترمکده در . سلامت و نجات آنجق کهنه پرو -
غرامی ترک ایتک قوم جدید پروغرامنه درت ال ایله صارملق
سایه سننده امکان پذیر اوله ییلور . کتابمز بزم آتیز ایچون

وعدلر ویریور آنجق بز قوم جدید اولدیغمیزی اثبات واراثة
ایده بیللم

درس — ۹

روم ایلنده اشهر حجه تصادف ایدن ایام مشئومه ده اهل
اسلامه روا کوربان قتل عامدن طولایی بعدما ذی القعدة
وذی الحجه آیلرنده اجرای ماتم ایتلیدر وحج و قربان بدلاتی
هر سنه مدافعه ملیه و درنهای عثمانی صندوقلربنه تخصیص ایدیلهرک
مهیب بر اردو ودهاش بر دونما حاضرلیه رق دشمنلریمزدن
اخذ انتقام ایتدکجه سکونیاب اولماملی یز . دشمنلریمزدن
دشمنلریمزله تشریک مساعی ایدن مرتد و منافقلردن تباعدله
انلرله الیش و بریش ایتهملی حتی ممکن ایسه آنلری اهل ایمان
ایچندن طرد ایتلی .

امور حکومت وامور عسکریه اهلنه تفویض وفاحش
معاشلر تنزیل ایدملی جمعه و بایرام خطبه لری لسان ترکی ایله
اوقونملی بو خطبه لر حکومت طرفندن ویریلهرک تعلیمات اوزربنه

هر جمعه احوال سیاسیه نك مقتضیاتنه توفیقاً اهالی به تلقین ایدملی
 بعض خصوصده امور سیاسیه امور شرعیه به تمامیه موافق
 اولسه بیله امور سیاسیه ترجیحاً امور شرعیه به تقدیم اولنرق
 امور شرعیه موقتاً تعطیل ایدملیدر جواز شرعی واردر حدیده
 محاربه سنده حربی متعاقب عقد ایدیلن مصالحه ده صلحنامه نك زیرینه
 رسول الله افندیمن طرفندن محمد رسول الله عباره سیله وضع ایدیلن
 امضایی کفار قریش قبول ایتیموب بزسنی رسول الله طائیمیزبناء علیه
 ایدیله جك امضا یالکمز محمد اسمندن بشقه بر صفتله اولمالیدر.
 طرزنده واقع اولان اعتراضلرینه قارشو حضرت نبی محترم
 قرآن مجیده جناب واجب الوجود طرفندن توسیم بیوریلان
 محمد رسول الله اسم مبارکندن رسول الله صفتی ایجاب سیاست
 طی بیوره رق یالکمز محمد امضا بیورمشلردی. ناسخ منسوخ آیات
 قرآنیه دخی ایجابات سیاسیه دندر.

چونکه جناب حکیم مطلق حضرتلری هر درلو نواقصدن
 منزله واولجه انزال بیوردینی بر آیت جلیله یی صکره کیله نقض
 ونسخ ایده جك حکمتسنزلکدن قطعاً مبرا بولندینی جهتله
 ایجابات احواله مقتضی ارادات ربانیه سیله قوللرینی ارشاد و اشراق
 بیورمشلر و رسول الله افندیمنده او سیاست اوزره تبلیغ اوامر
 یلشلردر. ایشته ناسخ منسوخ آیات کریمه بو حکمه مبنیدر
 احادیث نبویه دن

یعنی ناسخ و منسوخ اولانلر، بینه سیاست اقتضاسی واقع اولمشدر . قبله نك قدسدن مكیه تحویلی والجت تحت ظلال السیوف حدیث شریفی وحضرت عمرک حجر اسوده خطاباً سنده سائر طاشلرکی برطاش سك الخ. بیورمسی هپ سیاستك مقتضیاتندن اولوب بو کی وقایع مهمه یی بزده سیاستمزده کندیمزه رهبر اتخاذايله سبب نجات وفلاحمز اولان ترقیات دینیه ودنیویه مزه سهی ایدلملیدر . بن وعظیمی سائر خواجه وشيخلرك وعظمری کی بیک دره دن بیک صو کتورمك کونا کون حکایه ومصاللرله افسانه شکلنه صومق طرفداری دکلم قرآن وحديث احکام منینی اوزربنه علی وجه لایحجاز والاختصار دیرم که حقیقت اسلام وکنه دین مبین آنجق وانجق عقل وتدبیر واخلاق فاضله وحسنه دن غیری دکلدیر .

سیاست وتدبیر وتفکر ونظر وتحصیل علم وادب وصنایع وکالات کی بشریجه اصل واساس تمدن اولان شیلر فروع ولوازم عقلدر .

عدالت ، ولوازم عدالت ، منافع عمومیه، دفع فساد وتأمین امنیت مال وجان ایچون اولان جهاد ، ولوازم جهاد ایچون تحصیل ثروت وحشمت وشوکت واتحاد امت وجدیت حرکت وسائر دخی اخلاق حسنه نك فروع ولوازمندندر .

حضرت امامك قولى موجبجه كه رجفنا من الجهاد الاصغر الى الجهاد الاكبر بيوره رق دينك ايكى عبادتن عبارت اولديغى برى جهاد اصغر كه اهل فساد و شرير اولان كفار فجار يونان بلغار و سائر سيئات اخلاق صاحبي اشراى خرسيتيانيه يي قهر و تدمير و شورشور لرندن عباد الهى حفظ ايتمكدن ديكرى جهاد اكبر كه هر كس كندى نفس اماره سنك شر و فساديغى ازاله ايله نزاھت نفس و اخلاقه سعى و اجتھاددن عبارت اولوب بونلر هر مسلمه فرضدر. وجود انسانده كره ارض اوزرنده سا كن ملتلك حكم و نفوذ خصوصنده يكديكر لرلرینه ضدا ولدقلى كې ايكى ضد قوت واردر كه بونلر كده برى عقل و مقتضاسى ايسه خير و حسنات و اخلاق حسنه در . ديكرى نفس در كه آنكده مقتضاسى شر و اخلاق سيئه در . اكر بر فرد عقل سليم اوزره حركت ايدرسه اخلاق حسنه ايله نفس اماره يه غالب اولوب جيوش سياىتى محو و هلاك ايتديكى تقديرده دنيا و آخرتده جنات نعيمده استراحت كزين اولور .

بالعكس شرير و غدار اولان نفس اماره سنه تابع اولان كسه اخلاق سيئه سائقه سيله هر فكرينه كلنى ارتكابه تردد ايده ميه . جكندن سيئات اخلاق اخلاق حسنه سنى احما ايدرسه او آدم دنياده و آخرتده ذليل و سفيلى اولور و عذاب اليمدن رها بوله مز .

ذاتاً اهل فساد و شرّت اولان کفارہ قارشو جنک و جهاد
بو اساسه مبنيدر .

اگر دنيا ده نصارا و خرستيانلر اسلامه غلبه چالهرق
جهانی استیلا ايدرلر سه کره ارض دائماً آنلرک شروشورندن
امین اولهمنز اهل ناموس بی کناه کسهلرک خون ناحق هدر
اولور .

بالاده بیان اولندینی وجهله حضرت امامک قول شریفی
موجبنجه جهاد اصغر اولان حرب و قتل کفار بالجمله عباداتدن
مقدس و محترمدر صوم صلات حج کبی عبادات سائر زمان
اسایشده دروالحاصل دین اسلامک رکنی و انسانک شرف و مزیتی
دنيا آخرت موجب فلاح و سعادتنی ایکی شیدن عبارتدرکه
برنجیسی عقل ایکنجیسی اخلاق حسنه در بو ایکی ارکانک
ایکیسندن محروم اولانلر دنیا و اخرتده عذاب جهنمدن خلاص
اولهمنز و مالکزر برندن محروم اولانلر دخی فلاح دن محرومدرلر
ایمدی خرستیان اقوامندن اولان انکلزلرک حمایه سسنده
بولنان هندولر اخلاق حسنه یه مالک ايسه لر عقلدن محرومدرلر
زیرا اولنلر قائل اولسه لر. خرستوس دینه سالک ظالم و شریر
بر حکومتک زیر تابعیتده ذلیل قالمازلردی هم مذهبیری اولان
زایون ویا چین دولتلرندن برینه التحاق ایدرلردی خرستیانلر

هر نه قدر عقل و کياسته مالک ايسه لرده اخلاق حسنه دن
محروم اولدقلرندن نفس اماره لرینی تطمين ضماننده اقوام
سائره بی حیوان منزله سنده طوته رق آسياده آفریقاده آمريقادا
خرستیانک غیرینی بوغازلق بیك درلو اشکنجه لر آلتنده
ازمک ظلم و تعدینک انواعی ارتکاب ایتمکدن چکنمز لر
بیکلرجه مظلوم و بی کناه انسانلری قتل واقفا ایدر لر و جبراً
کندی باطل دینلرینی قبوله تضییق ایدر لر یوز بیکلرجه مسیونر لر
پاپاسلر هپ بو مقصدله جهانک اک هجرا کوشه لر نده ایقاع
شوروشر ایله مشغولدر

درس — ۱۰

ایشته کلر یوزه کوره دنیاده موجود اقوام و ملل مختلفه
ایچنده عقل و اخلاق حسنه بی برلکده جمع ایدن ژاپونلر در .
بوسایه ده خرستیانلرک تعرضات و تجاوزاتنه شدتله مقابله و کندی
مملکت و ملیتلرینی انلرک مادی و معنوی تعدیلرندن مصون
بولندر مقدمه در لر

هندستانده ملیونلرجه هندولری بر قاج بیسک انکلیز
چلیک زنجیرکی دوت طرفدن صارمش باغلامش اویچاره لرك
مال و جانلری کندی اللرنده دکل انکلیز خرسیتیانلرینک نفسنه
اسیردرلر ماللرینی ملیونلرینی آلورلر انکلیزیه کوتورورلر
اورالرده جنت کبی شهرلر محتشم بنالر معظم زرهلیر یاپارلر
هندولر سایه سنده اکتساب ایتدکلری شوکت و عظمتی بنه
هندولر اوزرنده تحکم و تغلب صورتنده استعمال ایدرلر
ایشته بو هندولرك عقلسز اقلرندن ایلری کلیور .

یهودیله ده بونلره بکزر یهودیلرك کندی ملتلرندن
بر حکومتی یوقدر حکومتسز ملتلك دین و ایمانی ده اوله من
چونکه الناس علی دین ملوکهم آنلر تدریجاً تابع اولدقلری
ملتک دینه انقلاب ایدهرك روی زمیندن مایتلری قالقار .

حتی شو صوک زمانلرده هندستانده کرك پودی وکرك
اسلامدن پک چوق کسهلر فوج فوج باطل خرسیتیان دینه
سلوک ایدیورلر ایشه بوسبیدندرکه وقتیه ملیونلره بالغ اولان
یهودیله کندی دینلرندن بشقه سنک کسیدیکنی یمه جک قدر
محافظه کار اولدقلری حالده بوکون عددلری شوراده بوراده
طاغنیق قلیل المقدار برحاله کلشدرلر . برچوقلری اسلام و بر
چوقلری خرسیتیان اولمشلدرلر .

ایشته خرسیتیان حکومتلرک ید استیلاسنه کیرن اسلاملرده
 ندریجاً اسلامیتلرینی ضایع ایدرک منسوب اولدقلری ملتلرک
 دینه و ملیتیه تمثیل ایده جکلر در. چونکه آنلرک خلافت و حکومت
 اسلامییه ایله نه مالاً و نه ده بدنأ ارتباطلری قالمامشدر صوم
 و صلات حج و ذکات و کلمه شهادتدن عبارت علامت دینیهلرینی
 مرور زمان ازاله ایدر بر زمان صکره قیپ قیزل کافر اولورلر.
 ملتلمزه کلنجه ملتلمز هر یرده اعظم ارکان دین اولان عقل
 و اخلاق حسنه دن محرومدر دنیا یوزنده موجود اوچ یوز
 بو قدر ملیون اسلامدن هانکیسی رشد نام اوزره بولنیور .
 بر زمانلر عقل و اخلاق حسنه سایه سنده جهانی استیلا ایدن
 اسلام حکومتلرینک او عقل و اخلاقی ضایع ایتدکن صکره
 برلرنده انقراض حکومتلرندن بشقه برشی کوره بیلورمبسکز
 ملت عثمانیه یه کلنجه حکومت عثمانیه نک عقل و سیاست کیاستی
 برنده ایسه ده ملتده اخلاق حسنه دوچار ضعف و وهن اولمش
 بولندیغندن اک مهم و نازک زمانلرده آرملرنده نفاق و شقاق و عدم
 اتحاد پیدا اولدیغندن عقلای مملکت آنلرک بو حاللرندن بر رجای
 نبات و متانت بوله میهرق شونک بونک او یاندیردینی کانون فساد
 و فتنه قارشوسنده بیحضور و بیتاب قالهرق زمام اداره یی اراخابه
 مجبور و بویوزدن خارجی دشمنلر فرصت یاب اولهرق مملکتی
 مضمحل و پریشان ایله مقصدلرینه نائل اولورلر ایشه بو طرزده

و کوندن کونه قوجه بر خلافت معظمه اوروپا قارشو سنده جسته
جسته قوتی شوکتی ضایع ایدهرک اریور .

بو حاکم سببی ایسه بر قاج یوز سنه دن بری مسلمانلر قرآن
و حدیث احکامی بر طرف و عقل و کیاستی ترک ابله شونک بونک
مؤلفاتی دین و دنیا خصوصنده دستور العمل اتخاذ ایلدکلرندن
و مؤلفات مذکوره ایسه بر جوق خصوصده احکام الهیه و اوامر
پیغمبریه خلافنده و عقل و منطق خارجنده اولمق اعتباریه
مسلمانلری طریق ناهموار اضمحلاله سوق و اطاره ایتدیکینده
ندرینه دیرم که بو کتابلری و آنلره سالک خواجهلری شیخلری
بر طرف ایدهرک اوامر الهیه و سنن سنیه پیغمبریه صارملی دنیا
و آخرت نجات و فلاح بولمیدر یوقسه صو کمز محو و پریشانیدر .

درس — ۱۱

نصار او خرسیتیان سوزلری

بتون خرسیتیانلرک اتفاقیه محاربه زانلدهه چو جوقلری میزی

قادیلریمیزی قتل عام ایله افتخار ایدن اوروپالیر رساله لر
و مطبوع کتابلر ایله بزی باطل و ظالم دینلرینه ترغیب و دعوته
یلتنیورلر . (یازدقلری شیلرده ای مسلمانلر کلیکز خرستوس
دیننی قبول ایدیکنز اوحق دینیدر . خرستوس اللهدر . قرآنکزده
روح الله دینلمسنگ سبی بودر . قرآنده محرر اولان انجیل بزم
کتابمزددر . محاربه زائلهده خرستوس دیرلمشدی بزه یاردم
ایتدی سزک اللهکز یوقدر عسکرلریکز بزم عسکریمزدن
قاجدیغنگ سبی معنوی مظاهرت واقع اولمديغنددر . سزده
خرستیان اولکنز الله یعنی خرستوس سزکلهده برابر اولسون)
ایشته بو وبوکا مشابه دهانجه افسانه لری یازه رق قهوه
خانه لرده حتی فاتح طرفلرنده خواجه لره بر رساله توزیع
ایتمشلردی . بونلره قارشو مملکتک افاضلندن بر ذات مقابلهده
بولندی . بونجه علما و فضلا کسوه سنده کی کسه لرسکوت ایتدیلر
برکت ویرسونکه خاق جاهل اولمقله برابر صلابت دینیه صاحبی
اولدقلرندن عقیده لرینی بوزمیورلر . یوقسه بو جزویتلرک
تسویلاتی بیگلرجه جاهل و عاجز کسه لری دیندن چویره
بیلوردی .

ایمدی خرستیانلرک باطل دین و مذهب لرینک بطلانی
شوراده اثبات ایده رک اهل اسلام آره سنده نشر دینه جرأتیاب

اولانلرینک جرأت و جسارتلرینی کسر ایتمکه و دینداشلریمده
بعدهما کندیلرینه واقع اوله جق تکلیف و دعوت اوزرینه آتیده کی
مدافعاتی بسط و بیان ایله اوشیطان علیه اللعنه لری یانلرندن طرد
ایده جک افکار و اقوال ایله تجهیزه شروع ایدرم .

انجیلده خرستوسک سوزی

انجیل متی ده : یوسف نام کسه مریمی باکره ظن
ایله نشانلادقن صکره قبل الجماع حامله بولدی . یوسف ده
مریمدن نفرت ابتد . مریمک طلاقه عزم و جزم ایلدی .
اوکیجه رؤیاده کوردی و دینلدی که زوجه کی بوشامه اوللهدن کبه
قالمشدر . یوسف قاریسنی بوشامقدن واز کچدی . او صروده
منجمین اورشلیم ملکی هیره دوسه خبر ویردیلر که بوراده بر
چو جق دنیا به کله جک پادشاه اوله جق هیره دوسده قصقاندی .
دنیا به کلن چو جقلری قتل ایتدیرردی . نهایت الامر الله ینه
یوسفه رؤیاده دیدی که زوجه کی دیگر بریره قاجیر که اوراده
طوغورسون هیره دوسده طوغان چو جقلری اولدورمسون
ایشته هر فصل ایسه خرستوس دنیا به کلدی یهودیلره نصیحت
ابتدی و دیدیکی بن موسایی و آنک کتابی تورانی تصدیق ایدرم

يکيدن بردين انخاذ ايتم. بن سزك كناهلريكزك عفوئ ايجون
 فدائي كلدن . سزك قربانكز مقامنده كنديمي قربان ايده جكم
 بعدما قربان كسميه جكسكز وجهه ايرتسي كوني ده كناه
 ايشلميكز بشقه ايشي كوره ييلورسكز ديدى . بعض كره
 كنديني ابن الله و بعض كره ابن الانسان اوله رق عرض ايد .
 بيوردى . ختاك لزومى يوقدر . آغز دن كيرن آرددن چيقار .
 جنوار اتى هر بر حيوان لحومى حلالدر كي . خلاف حكم
 تورات دها نيجه نيجه سوز سويلد كدن صكره چول و بيبيان طرفه
 كيتمش و اوراده قرق كون اوروج طومش ملائكة اكا اوراده خدمت
 ايدر مش و بعضاً كو كدن كو كر جين كي اين خرستوس ايله قونوشور .
 لر مش اوز مانك عقلا و حكما سندن برى خرستوسه اكر سن الله و يا
 ابن الله ايسه ك امر ايت بو طاشلرك كافه سى ا كك اولسون يا خود
 كنديني بو يو كسك محلدن اشاغى آت كه اهالى سكا قانع اولسون
 يوقسه بهوده حكايات و واهيات ايله اشتغال دن كندينه ضرردن
 بشقه برشى حاصل اولمز ديمش خرستوس بو آدمك سوزندن
 مبهوت و عاجز قالد يغندن او آدمه كافر و يا شيطان ديه حكم
 ايتمش خرستيانلرك قولنجه خرستوس بر قبره كيتمش اوراده
 مدفون اولان اولوي دبرلتمش بر ساعت قدر بر حيات اولد قدن
 صكره تكرر اولمش ينه كندي قبرينه دفن اولنش نهايت خرستوسك
 سيوك دعوا سندن كو چوك بر نتيجه حاصل اولوب آنجق اون

ایکی کشتی کندیسنه تابع اوله بیللمش بونلرده خرستوسدن صکره
ارتداد ایلش نهایت خرستوس خلاف تورات حرکت ایتدیکندن
علماء بنی اسرائیل کتاب الله اولان حکم تورات موجبجه خرستوس
سائر جانی ومرتکبلر کی صلیب تعبیر اولنان خاچه آصلمسنه
قرار ویرمش اوعصرده دار اغاجی حاج دیدیکمز شکله ایدی
جانی هرکیم ایسه دیری دیری اللرندن ایاقلرندن دار اغاجنه
میخلانور ایدی خرستوس دار آغاجنه سوق اولندی زمان
خرستوسه تابع اولانلردن بری ضابطه مأمورلری اوزرینه
تشمیر سلاح ایتش ایسهده خرستوس بن فدائی اوله رق کلدن
بونلر بنی قتل ایتسونلر بن اوکا راضیم اکر بن رضا کوسترمز
ایسم بونلر بنی هیچ بر وقت قتل ایده مزلر شمدی پدریه
عرض ایدرسم اون ایکی آلائی ملائکه ارسال ایدر بنی قورتاریر
دیه رک اوکسه بی تعرضدن منع ایتش خرستوسه مربوط اولانلرظن
ایتملردی که خرستوس صلب ایدلسون وقتا که خرستوس یوزینه
توکوریلهرک انواع حقارت ابله اعدامه محکوم دیگر ایکی
شقی نک یاننده دار آغاجنه حیقاریله رق و اوشقیلردن ده اشد
برحاله میخلانه رق تام آلتی ساعت روح تسلیم ایدنجیه قدر فریاد
وفغان ایتدی ناله زن و کریان اولدی خرستوس خاچ اوستند
فریاد ایدرکن علماء بنی اسرائیل جماعته خطاباً الله لق و ابن الله لق
دعوا سنده بولنان کسه به دار اغاجنده فریاد وفغان یاقیشیرمی

دیمشله اوزمان خرستوسه معتقد کسه قالماش جنازه سنی بیله
 کندلی اناسنک اقباسندن ایکی اوچ کشی ایله قالدیرمشله فقط
 عادت الله اولدینی اوزره آردصره ظهور ایدن زلزله وکسوف
 تصادفاً اوصره ده غایت دهشتلی اوله رق وقوع بولمش قاجان
 قاجانه اولمش حتی هیکل مقدس چاتلامش وقبوردن اجساد
 عظام طیشاری جیقمش ایکنجی کونی خرستوسی قبرنده
 بوله مامشله کویا خرستوس دیدکلری کبی اولمش اوچ کونده
 دیرلمش کوکه کیتمش و برده اوزمان اعتقادات شو یوله ایدی که
 مرهانی بره مقتول ویا اولو زماننده زلزله ویا کسوف وقوع
 بولسه متوفا ویا مقتول هرکیم اولورسه اولسون پیغمبر لکنه ویا
 ولی لکنه حکم ایدیلوردی قصه بوندن عبارتدر :

درس - ۱۶

جواب

قرآنمзде سزك خرستوسكزك نام ونشانی یوقدر اوت
 برعیسی پیغمبر وار فقط موسی و ابراهیم و پیغمبر سزك درجه.

سندن دوندر بو عیسی ده نه مصلوب نه ده مقتولدر . مصلوب
اولان عیسی قیافته مشابه بر شخص جانیدر .
او مصلوب وخاج اوستنده مقتول اولان خرستوسدر . بزم
قرآنمزه و ماقتلوه و ماصلبوه ولکن شبه الح حضرت عیسی
نه قتل ونه ده صلب اولندی بلکه ا کا مشابه اولان بری قتل
اولندی . سرخرستوس دیرلدی بزم یاردم ایدیوردیورسکیز
خرستوس بعضکیره اولور بعضکیره دیریلور دیمک
اولور که خرستوس بعض زمان دیری اولور بعض زمان اولو
فقط اولو اوله سی ده ا زیاده اولدینی اکلاشیایور چونکه یونان
زایون اورشلیم انطاکیه سواستپول ودها پک چوق محاربانه
اولو زمانه تصادف ایدلمش اولمی که خرستیانلره یاردم ایده مدی
بنی اسرائیلک خاج اوزرینه چیقاروب آصدینی کبی برکون
یزده انک اولو زمانی بولورز انشاالله بو محاربه ده عسکریمزک
فرار ایتدیکنی سویلیورلر اوت قاچان عسکره بز مسلمان
دیمه یز . محاربه حاضرده اسلامدن پک چوقلری بالخاصه
خواجه و شیخلردن اکثری دین مبین اسلامدن ارتداد ایتدیلر
یاپاره ویا احتراصات کونا کون سببله بطریقخانه ارکان واعوانیله
اشلاف ایلدیلر ایشته حربده قاچان ضابط عسکر و صاریقلیلر
بو قیلدن اولوب آنلر بزجه مرتد و منافقدر اسلام دکلدر .
خالص مسلمان اولانلر طرابلس غربده جنک وجدال و حرب

اخبرده رضا اسعد جاوید شکری رؤف صلی الله تعالی علیهم
 حضراتی و سائرہ کبی کفار فجار اوزربنہ قتال ایدن فداکاران
 امتک معیتاری واتحاد وترقی جمعیت مقدسہ سنک همان بالجملہ
 ارکان و اولادی خالص مسلمان اولدقلری ایچون نہ قاجدیلر
 نہ دہ دشمنہ روی سلامت کو ستردیلر فی سبیل الله جہادہ مداوم
 اولدیلر ذاتاً بو محاربہ دہ اتحاد وترقی بہ منسوب افراد یوز بیك
 قدر ایدی متبایسی اثتلافہ و بطریق خانہ لره منسوب مرتدلر
 ایدی بو یوز بیك کشیلک فتنہ قلیله شورادہ بورادہ پارچہ پارچہ
 نام بر میلیون کفارہ بتون غیر موافق شرائط تحتندہ یعنی
 جیبخانہ سز ارزاق سز امداد سز اوله رق آلتی و یا سکرز آی مقاومت
 کو ستردیلر . مغلوبیت سز عسا کر خرسیتانیہ نک بزدن اون قات
 فضلہ اولسندن و غیر موافق شرائط تحتندہ قالہ مز دندر یوقسہ
 خرسٹوسک یارد مندن دکلندرا کر خرسٹوس مقتدر اولسہ ایدی
 کمدینی بنی اسرائیلک پنجه سیاستندن خلاص ایدردی نرہ دہ
 قالدی کہ بعد الہلاک خرسیتانیلره یاردم ایتسون
 انجیل شریفہ کلنجه انجیلک بزم کتاب مزده منزل اولدینی
 مصدق در فقط الک زده بولنان کتاب نہ منزلدر نہ دہ عیسی نک
 سوزیدر خرسیتانیلرک اندہ بولنان کتاب مصلوب خرسٹوسک
 وفاتندن صکرہ آنک افعال واقوالہ دائر خصوصی بر تاریخدر
 بودہ انجیل متی نک ختامندہ مصر حدر دیہیلور سکرز کہ قرآن دہ

عیسی بن مریم یازیلیدر بزم خرستوس ده عیسی بن مریمدر
قرانده کی عیسی بزم عیسی روح اللهك كندیسیدر بزده دیرزكه
مریم اسمنده او زمان بر چوق قادین واردی قرآن عظیمده
مذکور اولان مریمك ابوینی ایله سرك خرستوسك والده سی مریمك
ابوینی اسماری آیری آیریدر او حالده قرآن کریمده مذکور عیسی
ایله انجیلده یازیلی خرستوس شخص واحد اولیوب بشقه بشقه
کسه لردر .

ذاتاً حق و حقیقت آرانورسه بزم ملت اسلام سائر عباد کی
عباد ارلدیغمز حالده بو بحار به ده مغلویتتمزی پك شین پك عار
وپك زلت و حقارت و پك مسكنت و رزالت عد ایدرز . بوكا
نحمل ایده مین چوقدر عندالناس محبوب اولدق عجیسا ذات
حق و یا ابن الله اولان عیسی خاج اوستنده باغره باغره جانی
چیقارده اوللهك علوشانه ذات و حقارت مسكنت و مغلویت
تعارض ایتمزی؟ والحاصل خرستوس مصلوبه الله دیمك جناب
واجب الوجود حضر تکرینه اطاله اسان و تحقیر معناری
چیقمزمی بوندن دها اشد کفر و شرک دنیاده تصور اولنه
بیلورمی! سبحان ربنا رب العزت عما یصفون

برده خرستوسك انجیلده کی سوزلرنده ضدیت و منافات
و تناقض واردر مثلاً بن تورات موسایی تصدیق ایدرم احکام تورات

حقدر تورات کتاب الله درو شریعت لایتغیر و ناموس اکبر در دیدیکی
حالد ختانی قربانی منع و جمعه ایرتسی یوم تعطیلک لغوینی حنیز ایشک
مباح اولسنی سویلیور احکام مذکورہ اعظم ارکان توراندندر
حتی جمعه ایرتسی کونی ایش ایشلمک کلمات عشرہ دندر .
توراتک شو عبارہ سنہ دقت ایدیکز

(کل هملجه بیوم هشت مت یومت) هر کیم که جمعه ایرتسی
کونی ایش ایشلر ویا دینوی بر خدمتده بولنورسه اولوم ایله
اولسون یعنی اعدام ایدیکز دیکر بر یرده اسفار خمسہ موساده
(لویهی بینج روشعیم اروریم) خانه کزده بدخوی وختانسز
کمسه بولونماسون و دیکر بر یرنده ختانیک تا طوفان نوح
زمانسندن بری امرالهی اولدینی مذکوردر . وینسه بر یرنده
طوموزه کیم ال ایله لمس ایتسه بر هفته محل مقدسه کیرمی جائز
اولدینی مذکور تا که حمامده غسل ایتیش اولسون

ایشته بوقدر عیان صریح اولان احکامی قالدر دینی خالد
شریعت موسا لایتغیردر دیمی قدر تناقض اوله بیلورمی

خرستوسک زمان قتلنده بیوک زلزله نک ظهوری وعسین
زماننده خسوف وقوعی وخرستوسک بن او چنجی کونی قالقه جغم

دیدیکی که اتلافتدن اوچ کون صکره قبرنده بولنیشنی خرسیانلر معجزه و خارقہ عد ایله خرسٹوسک الوهتینه دلیل عد ایدرلر زلزله و خسوفک قتل عیسی کوننه تصادفی خرسٹوسک بیوکلکنه دلیل اوله مز یازیق اوحقا و سفها و مجانین پاپاسلره که زلزله و خسوفی خارقہ دن عد ایدرلر آنلر احوال طبعیه دن عادی شیلر در . خرسٹوسک صلی کوننه راست کلشیر حتی پاپاسلرک دیدیکی که اعدام اولنانلرک بیوکلکنه دلیل فرض وعد اولنسه . لریسله اوکون اوچ کشی صلب و اعدام اولنش اوچنجیسی خرسٹوس ایدی عجا بوزلزله و خسوف او اوچدن هانکیسنک حرمتہ وقوع بولدی بیلنمز که مصلوبلردن هراوچی ده کندی دعواسنی حق بیلوردی

ایشته کچن سنه ده خرسیانلرک مسلمانلرک قتل عامنه قرار ویرر و اتفاق ایدرکن بیوک بر زلزله وقوع بولدی برلر آت اوست اولدی انهار مجراسنی دکشدردی اولوکیکلری طیشاری فرلادی طبق خرسٹوسک صلب اولدینی کون اولان وقعه که مادامکه خرسٹوسک زمانه تصادف ایدن زلزله خرسٹوسک شرف و حرمتہ دلالت ایدیور عجا شمیدیکی زلزله اسلاملرک شرف و حرمتہ دلالت ایتزمی؟

درس — ۱۴

انصاف ایدك ای نصارا

بو فاسد اعتقاد زمان سعادت حضرت نبوی دده واره
ایدی . نجل نجیب حضرت نبوی حضرت ابراهیمك یوم
ارتحالنده خسوف ویا کسوف وقوعه کلدی . اهالی بونی حضرت
ابراهیمك شرف وحرمته حمل ایتدی . افندیمز اهالینك بو
اعتقاد باطلنی ازاله ضمننده جم غفیر مسلمینده بلند آواز
ایله :

الشمس والقمر لا یخسفان لموت احد ولا لحياته الخ .
بخاری شریف یعنی کسه نك حیات ومانندن طولایی آی
وكون طولنز بو اعتقاددن فارغ اولکمز بیوره رق نصیحتده
بولمشدر .

وینه احد محاربه سنده اسلام اردوسی مغلوب اولدینی زمان
اصحابدن بری یارسول الله مادام که سن حق پیغمبرسك نه ایچون
مغلوب اولدك دیمسی اوزرینه پیغمبر ذیشان جواباً :

انما انا بشر مثلکم الحرب بیننا و بینهم سجال ینال منا
ومتنال منهم افان مات . . . الخ .

بن سزک کبی بشرم اولورسم استبعاد ایتیکز حربده غلبه
تدارکات عسکریه یه منوطدر . غالبیت و مغلوبیت گاه بزه گاه
آنلره توجه ایدر .

ایشته عقل و فراست مدینت و کیاست صاحبی و علوم عقلیه
و نقلیه ایله متحلی و وحی جلی و خفی ایله ناطق پیغمبر بویه
اولور. دنیا نیک و وحشی چول و بیابان عربلرینی پیغمبرذیشانمز
حسن معامله و معجزات ایله اولیه تسخیر و کندیلرینه تابع
قیلدیلرکه بر زمانلر یعنی زمان جاهلیتده ضبط و ربط آلتنه کیرمش
او خلق آتشین قوزو نبی حلیم سلیم بیللرجه یشادیلر .

فقط خرسستوس اناسندن طوغار طوغماز قوجه براسرائیل
شریعتنه قارشو بلا دلیل و حجت بن اللهم بن اللهک اوغلیم .
بوننی یابارم شوننی بیقارم . بن سزک ایچون فدائی کلدیم . سزک
پادشاهکزم کبی تهلکلی عین زمانده غیر معقول سوزلرله کندینی
تهلکیه القا ایتدی . و دنیا یه کلدیکنه بشپان اولدی . صلبنک
او چنجی کوننی قبرنده بولنامسنه کلنجه: دیرلدیکنه حکم اولنمز .
زیر او دهشتلی زلزله ائناسنده بر چوق قبرلر یاریله رق
جنازه لری دیشاری آتدینی کبی انک قبرینی ده آچمش جسدینی

فیرلا تمشدر . یاخود الوهیتنه ایناسونلر دیه جسد دیکر بر محله
نقل ایدلش اولسنه انجیل متی نك صوکنده یازلش اولدینی کبی
احتمالده واردر . بن جهالت برده سیله کوزلری قارارمش
اولان پاپاسلره و آنلرک توابعنه جواب ویرمک تنزلنده بولنم
یازدیغمک اسبابی کندی ملتکم عقائدینی محافظه قیدیه در .
اوروپاده بیله وولترکبی بزجه سوزی معقول اولان عقلا و حکمایه
دیرم که کندی عقول سلیمه کزه مراجعتله پاپاسلرک تقلیدی
جهالتنی قالدیریکز جناب واجب الوجود جل و علی حضر تلی که
خالق السموات والارض و ما فیها اولدینی حالدہ جاشا وکلا جهنم
کبی اسفل سافلین کبی اولان مریمک قارننه کیره رک سائر جنین
کبی آیلرجه اوراده حبس اولندقدن صکره رحم مادر دن چیقوب
بالاخره کندی فدا ایله دار آغاچنده جان ویرنجیه قدر باغره
باغره انواع آلام و اشکنجه لره کیرمش اولسون . خرستوس
دنیا ن کسه دنیاده نه حکمت و هنر کو ستر مشدر که آنکله الوهیتنه
حکم ایدلسون .

خرستوسک یر یوزنده براقدینی بر نمونه شر و فساد وار که
دنیا نک اک مترقی بولندینی شو دوردده بیله بلغارلر یونانلیلر
صربلر و سائر ه آنی الآن تعقیدن واز کچمیسورلر . آنلرک
ما کدونیا ده وروم ایلینک سائر بلادنده خرستوس نامنه ارتکاب

ابتدکری شناع و فضا یح الی یوم القیام السنه جهانده دائروساثر
اولسه کرک .

دول معظمه نك مذهب رسمیسى خرسیتیانلق اولدینی
جهتله بز مقام رسمیتده دول معظمه نك خاطری ایچون
خرستوس حضرتلری دییه رك اثر تعظیم کوسـتریز . یوقسه
خرستوسك خاطری ایچون دول معظمه یه حرمت ایتمیز . ای
خرستیانلر اکر سز مسلمانلری خرسیتیان دینه جبراً ادخال
داعیه سنده ایسه کز فکر وسهیکنز بهوده در . قوم عتیق اولان
وجهاد وسمی واهتمامی برطرف ایدنلردن بلکه بر طاقملرینی
اغفال ایده بیلورسکنز آنلر ذاتاً بزجه مرتد وداثره اسلامدن
خارجدر . فقط قوم جدید اولان قسمی که جدی وخالص
مسلماندرلر . واقصاء امللری جهاد ولوازم جهاد حاضرلغندن
بشقه برشی دکلدر . آنلردن بر دانه سنی بیله دکل اغفال واطماع
ایله حتی قلیج طوب و تفنك ایله تهدید ایلسه کز ینه بر فائده سی
اولمز . چونکه آنلرک عهد و پیمانی کندیلرینه تعرض مادی و معنوی ده
بولنه حق خرسیتیانلری اتلاف و امحادن غیری بر شی اوزرینه
دکلدر . والسلام .

خاتمه

درس - ۱۵

ای جماعت مسلمین بایرام یا قلاش دینی جهته رمضان شریفده کی وعضلریمک بوکون نهایتیدر ، رسول الله افندیمر حضرت تلرینک اعظم عبادات اولان امرجهاده نه درجهده اهمیت بیوردقلربنه دلیل اولهرق بایرام نمازندن اول مسجد شریفده آل واصحاب کرامنی طویلایهرق زمانمکز عسکری مانورهلری کبی مانورهلر اجرا بیوردقلربنی سزه بیان ایتمک ایسترم یالکنز بخاری شریفده مسطور اولان شو حدیث شریف دن نه اکلاشیبیور .

فی یوم العید کان السودان یلعب بالدرق والحراب فی المسجد ینقلون فامسک احدا لفریقین بایدیهم فقال رسول الله مالکم لاترمون قالوا کیف نرمی وانت معهم فقال ارموا فانی مع کلکم سابق النبی ماضر من الحیل من الخفاء الی ثنیة الوداع وکان بین ذلك ستة امیال اوسبعة وسابق بین الحیل الی لم تضر من الثنیة الی مسجدینی زریق وکان بین ذلك میل .

بایرام کونی مسجد شریفده افندیزك امر و فرمانی اوزرینه
 علی الدوام تعلیم سلاح و مانورا یابارلردی افندیز حضرت تلی ده
 بالطبع مانوره نك بر فرقه سنده بولنیوردی قارشوده کی فرقه یه
 آتکز امرینی ویردیلسده اوفر قده کیلر تادباً سلاح استعما-
 لندن اجتناب ایتدیلر رسول اکرم حضرت تلی تکرار آتکز
 نه دن آتیمورسکز بیورد قده فصل سلاح آتلم سز اوفر قده
 بولنیورسکز دیدیلر آتکز بن هپکزله برابرم بیورمشدر

سوار ی تعلیمی ایچونده آت مسابقه سی یاپدیر لرلردی
 ادمانی آتلی حفیادن ثنیة الوداع دنیلن یره قدر الی یاخود
 یدی میلک مسافه قوشدیر لرلردی ادمانسز حیوانلرده ثنیة
 الوداعدن مسجد بنی زریقه قدر بر میل کیدر لرلردی .

ایشته زمان سعادتده اهل اسلام دشمن دینه وطن اولانلره
 بالفعل مقابله و آنلره مقابله ایچون بویله طور میوب تدارکات
 حریبه ده بولنورلر و عبادت زمانلرنده بیله اختلاس ایتدکلری
 اوقاتی حرب و لوازم حرب خصوصنده مقتضاسنه کوره صرفدن
 بر آن فارغ اولمز لرلردی. رسول مجتبا افندیز سر قافله انیا و حبیب
 کبریا اولدیفنه کوره ایشی و امت اسلامک امور و خصوصاتی
 هپ مادیات اوزرینه حساب ایدرلر ا کا کوره اسبابنه و سله
 فوت فرصت بیورمز لرلردی شمدیکی قوم عتیقه اعتقادی وجهله
 نماز و نیازله مظفریت اکتسابی اولولردن اولیا و اتقیا ارواحندن

استعانه خلیاسی نه قدر بهوده ویدسود حتی وقتیه امت اسلامی
حربه جهاده معناً ماده حاضرلق خصوصنده علمانك فتور
وقصوری سیئه سیله نه درجه مضراولدینی کندیلکنندن تبادر
ایدر . زمان سعادنده ارککلرک بالفعل صرف ایتدکلی مساعی
جزبله به ضمیمه قادیئلرک بیله امور مهمه ده معاونت لینه مراجعت
اولندینی شونکله ثابتدر .

کناتعزومع رسول الله نسق القوم ونخدمهم وزد القتلی والجرحی
الی المدینه ویداوی منا المرء الرجل والرجل المرء وذلك بعد نزول
الحجاب

تست و حجابك امر بیورلمسندن صکره ده اصحاب کزینک
قادیئلری حربه کیدرلردی . بخاری شریف

حرب اثناسنده عسکره صوویرلر و خدمات ائرده بولنورلر
یاره لیلره معالجه ترتیب ایدرلر و مجروحینی مدینه به نقل ایلرلرایدی
بلا تفریق محرم و نامحرم سربستجه ارککلرکی خدمات عسکریه ده
بولنورلردی . فاعتبرو یا اولی الالباب

« بین تفاوت ره از کجاست تابکجا »

ای جماعت مسلمین یالکز زمان سعادنده کی ذکور واثانک
حالیله شمدیکی حالی مقایسه ایدر سهك آرده کی فرقی اوزمان
اکلایه بیلورز .

زمان سعادنده مساجد برر تعلیمگاه عسکری برر مانوره

میدانی ایدی مقدس عسکرلرک قشله واقامتگاهلری کبی ایدی
شمدی ایسه استر، اشتر و خر بی هنردن ده ادا ناحیوان لایعقل
سوروسنه برماندرا و آخور اولدیلر بونلرک برقسیمی حرب
ولوازمات حربده قصورله برابر پاره ایچون ختم قرآن و جنازه
آرقه سنده کزن مرانیان فقط پاره پرست لابس خیصه وعاشق
جیصه یعنی جبهلی احرام و طلیسانلی یدنده دام تزویر کبی برر
تسبیح و مسواک و زمزم و خرما ایله خلقلک پاره سنی چکمک هو-
سنده کی حافظلر اکل وریا ایچون قرآن او قویانلر هپ دیندن
خارج دائرة اسلامدن مطروددرلر .

بآدمی نتوان کفت ماند حیوان
بجز دراعه و دستار و نقش بیرونش
بکرد درهمه اسباب هستی او
که هیچ حلالش نیان و جز خراش

او قبل کسه لرک بر ااقی شرک خفی ایله مشر اولدقلری
شوآیت جنیله ایله ثابتدر .

ولا یشرک بعبادة ربه احدا

بونلردن بر جوغی اولجهده بیان ایتدی کمز کبی حرب

ولوازمات حربده خلف ایتدکلرندن ماعدا بی کسب و صنعت
کشکول مسلمات دردست و زنا ترسا کان کمر بند و بست ژنده پوش
و خلقه حیدری درکوش و تکایا و خاقا هده حور و غلمان
عشقنه باده نوش امرار اوقات و حیات ایدرلر بو حریفلرک مالاً
بدناً ذی قدرت اولوب ده حربدن اجتناب ایدنلری سورۃ
توبه ده مخالفون ، خوالف ، قاعدین ، متعذرون صفیتله توصیف
اولنانلردندر که کافرو زمره منافقندرلر . اهل جهنم و واجب
التقل جنازه و قبرلرینه کیتمک غیر جائزدر آنلرله قطع لام
و کلام فرض اولدیغنی شوایت کریمه امر بیوریور .

ولا تصل علی احدنهم مات ابدا الخ

ولا تقم علی قبره ... الخ

انهم کفروا بالله الخ

وما ویهنم جهنم الخ

بونلر حکم قرانجه اهل جهنمدر بوکا ایمانم وار فقط فکر
قاصرانهجه بوقیل خینلر جهنمه ده کیتمه لر دها خیرلی اولور
زیرا جهنمه کبر و غرورلرندن عظمت و خوتنرندن ناشی اورایه
لایق اولمش فرعون هامان وقارون وسائر کهبی نیجه خاندان
کسه لر واردر که بوذلیل دنی الطبع سفیل آدملرک آنلری سیله

تعجیز ایتمی محتملدر . فقط همان جناب حق بیلور اما بوا سافلک
مأواسی اسفل سافلیندر .

بر خطوه دها ایلری آرش

مکده کی مسجد حرامده حتی طوافده رسول الله افندیز
کفارہ قارشو تعلیم عسکری ایله بر قوت وشجاعت کوستر لر دی
حتی طائف محاربه سنده مسجد حرمک تعمیرینه مال و جانلرینی
صرف ایله حربیه کیده مینلره قارشو خطاب و عتاب الهی صادر
اوله رق اجملم سقایه الحاج و عمارة المسجد الحرام . . الخ آیت
جليله سی نازل اولدی حرب ولوازمات حربله اشتغال ایتیموده
حجاجک سقای و مسجد حرامک پاره صرفیله درو دیوارلرینک
تعمیر یله می اشتغال ایدرسکز بیورلمشدی .

بوندن اکلاشیلور که حرب ظهور ایدوبده مملکت وانک
محتویاتندن اولان مقامات مبارکه و مقدسات دینه تهلیکه کیردیکی
زمان آنلرک هیچ بریله اشتغال اولنه مز آنلرک قدسیتی قدسیت
مکان بالیکیندر حکومت اسلامک زوالیله آنلرک قدسیتی ده زائل
اولور . بناء علیه او مقاملری او مقدساتی حفظ و حراست ایدجک
اولان حکومت امر جهاد ظهورنده ظهیر اولغی اقدم وظائف
دینه بیللمی بتون امت محمد حکومته مالاً بدنأ - حتی قادینلره

وارنجیه قدر معاونتہ شتابان اولیٰ خزینہ بیت المالی طولدرملی
 اردولرده خدمت ایدہ بیلہ جک اولانلر بلااستثنا سلاح بدست
 اولہرق مقابلہ اعدایہ قوشملی آنجق بوسایہ دہ روم ایلیدہ کی
 جامعلریمزہ چاک آصدقلری کبی کعبہ مزہ چاک آصمہ لرینہ مانع
 اولورز . تربہ لریمزی بیقدقلری کبی تربہ سعادتی ہدمہ اولان
 نیت کافرانہ لرینی عقیم براق بیلورز . اوزمان حقیقی مسلمان
 اولدیغمزى من عندالله ومن عندرسولالله اثبات ایدرز یوقسہ
 کفار برطرفدن هجوم ایلہ ملکمزى مالزى جانمزى عرضمزى
 ہتک وخراب وضبط ایدرکن الدہ تسبیح جامعلرہ طولوب
 کمال ذلت و مسکنتلہ جناب حقندن ظفر و غلبہ نیازندہ بولنو-
 رسہق اللہعظیم الشان بزہ لعنت ایدرہ ہانکی یوزلہ ہانکی عمل
 ایلہ اللہدن نصرت وظفر استیورز . پیغمبران عظام بیلہ جان
 وباشلہ چالشمہدقجہ نائل ظفر اولمدیلر زہی اعتقاد زہی دین
 وایمان ! !

کړک مدینہ وکړک حرمین شریفین زمان سعادتن بوآنہ
 قدر خلفای اسلامک دائرہ نفوذی آلتندہ ایدی ہلہ خلفای
 ترکک زمان سلطنتلرندہ جیوش اسلامک اردوکاہی منزہ سندنہ
 بولنیوردی وقتا کہ یمن وعسیر ولی نعمت ومطاع امت اولان
 خلیفہ بہ قارشو عصیان وکفار بحرأ استیدی آندہ اومقاماتی
 تحت تہدیدہ الہیبیلہ جکنی افہام واتیان ایلدی اوراہہ کیدن

حجاج فرانسز انکلیز روس پساپورطلرینک حمایه سیله وطوعاً نصارا قومانداسنده بولمقله فاخر اولدقلرندن نصارا انلردن راضی آنلرده نصارادن راضی بولنورلر چونکه بئندکلری واپورلر خرستان دولترینک ویا تبعه لرینک مالی اولدقلرندن خرج راه اوله رق هر نه ویریلورسه آنلرک کیسه لرینه کیر واسلامدن قازاندقلری پاره ایله لوازمات حرب اولان طوب تفنک زرهلی انشا و اعمالیه اسلامه و مملکتلرینه حتی حرمین شریفینه قدر هریری ضبط واستیلا املنه دوشر اولدقلرندن ان طهرا بیتی حکم شریفنجه مادامکه حرمین الشریفین ترک خلافت اسلامیه سنک نفوذ وقوت قاطعه وحافظه سی التنده تمامیه مصون دکدر اوحالده مقامات مشارالیه انک شرف و حرمتی ده خلافتک تناقص نفوذ وقدرتی نسبتنده تناقص ابتدی .

بوندن چیقہ حق نتیجه شودرکه بوکوندن اعتباراً شرعاً خلافت اسلامیه نک تحت اداره ونفوذنده اولسی لازم کلن او مقامات مقدسه برآ وبالخاصه نصارا ودشمن دونمالرینک مهابتی تحتنده بحرأ تهلمک به معروضدر اوتهلمک بی دفع و رفع ایده جک ده دہشتلی دونمالر اردولر احضار واعداد ایتدکجه حجک اداسی فرض دکدر. کیدنلراجعلتم بقایه ... الخ آیت جلیله سیله خطاب بیوریلان عتابه کرفتار اولانلردندر زیرا حرمینک

شرافتی شرافت ذاتیه دکلدر اولجه دیدیکمز کبی شرافت مکان
بالکیندر اومکین خلافت اسلامیة در .

رسول الله افندیمز مکدن هجرت بیوردیلر صکره تحشیدات
عسکریه ایله فتح ایتدیلر طور حاکانه ایله کیره رک مناسک
حجی ایفا ایدیلر بزده اومقاماته پاره لر مزی نصاریه معاونت
نقدیه کبی ویرمیه رک دکزلرده بولنان یونان ایتالیا و سائر بزه
دشمن اوله بیله جک حکومت خرسیتیانیه دونمالرینه مقابله یه
قادر قوتلی زرهیلر تدارک ایتدکدن و طور حاکانه ایله بلا پروا
اورالر کیتدکدن صکره من استطاع الیه سبیلا سربینه مظهریتیه
ادای فریضه یه شتابان اولورز حج اوزمان فرض اولور الدین
یعلو ولا یعلی علیه ک معناسی ده دینمز عالی وادیان سائر آکا غلبه
ایده مز دیکدر اجنبی پساپورطیله و آنلرک حمایه سیله ایدیلن
حج حج دکلدر .

نتیجه کلام بالجمله اهل ایمان واریله یوغیه جانیه جسمیه
بتون موجودیتیه خلافت عثمانیه و سلطنت اسلامیة نک علوشان
وشو کمتک تزید و تعالیسی خصوصنه صرف مقدرت ایده جک
حرب ولوازم حرب ایچون طویلردونمالر طیاره لر طور بیورلر
تدارکله او مقامات مقدسه بی هر درلو تهلکه و تعرضدن مصون
بولندیردقن صکره حج فرض اوله جقدر .

حضر

شوراده بر دیرك كوریورم که بر طاقم کسه لر دیر کده موجود
 بر دلیکی زیارت ایدیور لر. سؤال ایتدم اعتقاد لر نجبه کویا حضرت
 فاتح استانبولك حین فتحنده بو بنای عظیمی ده جامعه تحویل
 ایتدیکی ائنده حضر کلمش جامی بو دیر کدن طوته رق قبله به
 جویرمش شاشارم عقلکزه و اعتقاد باطلکزه که قومکزدن اولان
 ترك اوغلی ترك جلیل الشان بر حکمداریکزه بو بلده و جامی
 فتح ایتزدن اول حضر نره ده ایش که کلوب بنایی قبله به
 جویرمه مشده حضرت فاتح ضبط ایتد کدن صکره بو جامعه
 کیره بیلمش حضرت فاتح صل الله تعالی علیه و علی اله و اصحابه
 وسلم کی قوی الشوکت بر حکمداری تقدیس ایتز سکزده موهوم
 و مخیل حضر لر اسناد حرمت ایلر سکز بونک کی ادر نه ده اسکی
 جامعه هر صباح نمازی ائناسنده حضرک بولندیغنه خلقجه
 بر اعتقاد واردر . اردی اسلام مغلوب اولوبده بلغار لر
 ایچری کیرد کیری زمان او خضر نره قاجش بیکلرجه اولیا
 و خضر لر و ملکلر عسکر دن اول قاجدیلمی؟ کفاره قارشو نه
 ایچون طور مدیلر احد محاربه سنده فن حربجه مهم اولان بر
 نقطه نك ترکی متعاقب ملیونلرجه . لائک نك قوه معنویه سی

لاحق ایکن اسلام اردوسی مغلوب و رسول کبریا صل الله تعالی
 علیه وسلم افریدی مجروح اولدی؟ وایکی محارب بیننده غالبیت
 و مغلوبیتک مادی قوته منوط و جناب حق بیطرف اولدینی
 آیات و احادیث نبویه ایله مثبت دکلیدر واعدوا لهم ما استطعتم ..
 الخ. و لولا دفع الله الناس بعضهم ببعض لفسدت الارض. . الخ
 بیورلیدی؟

بو نه قدر جهالت نه مرتبه غفلتدر که جامع مرکز خلفای
 عربک اسملرینی اصارسکرده برچوق احادیث نبویه ایله تقدیس
 بیورلمش اولان خلفای ترکدن هیچ برینک اسمنی حرمتله
 یاد ایتمسکز . خطبه ده خلفای ترکک اسمی ذکر اولنورکن
 مقام تذلیل و تنزیله بر آفاق آشاغی اینرسکز جمعه نمازنده
 آخر ظهر دیهرک برده نماز ضم ایدرسکز بونلر هپ سیاست
 سزک تنزیل شان و اعتباریکز ایچون محدث و مبدع شیلدر .
 دهاسی وار قومکز بر قوم مقدس و مبدع اولدینی حالد اقوم
 سائر دن عبدالقادر کیلانیر شیخ بدویلر و شیخ فلان و فلانلرک
 تقدیسی و اهل جنت منکر و نکیر و ملائکه و تا جناب حقه قدر
 هپ عربجه تکلم ایتمهلری اولشام آخر شام کی سوزلره
 بتون ترکلرک قاندرلمسی قوم عرب ایچندن بر مهدی ظهور
 ایده چکنه اعتقادله اکا انتظار اولنمسی ودها نیجه نیجه
 خرافاته ایمان ایله یدی یوز سنه دن بری بتون جهان اسلامیتی

كفار فجارك دست تعرض واستيلا سندن قورتارمق اوزره
 سل سيف جهاد ايله برآن خال قالميان عثمانی قوم نجيبك
 تحقير وتنزيل قدر ومنزلتی مقصديله بالالزام ترتيب ايدلمش شيلر
 دكلده نهدر؟ كندی نسبه وقومنی تحقير دينی تحقير دكلی من
 بدل نسبه او قومه فقد بدل دينه ومن حقر قومه فقد حقر
 دينه كلام مشهوری سمعكزه واصل اولمديمی سز كندی قومكزه
 حرمت ورعایتی بيلمز سه كنز قرآن وحديث تقدير ايدنيور
 اوروپا وبتون جهان بشریت ترك حكومت مستقلسنی شجيع
 فداكار بر قومك حكومتی اوله رق طانيور والعاديات ضبحاً
 آيت جليله سيله تقدیس ايديلن ترك اردوسنك باركيرلری
 سزك تقدیس ايتديك كنز اقوام سائره اشراف ورؤسانك
 شرافت وحرمتندن اضعاف مضاعفه ايله فضله در . خلفا امرا
 ضابط وافراده عسكریه ايله آنلره مالاً بدنأ اشتراك ايدنلرك
 جهادلری قدر علوی قدسی عظيم الاجر بر عبادت يوقدر
 واوله ماز

يديمزده قرآن واحاديث نبويه كبي ايكي بيوك حجت ودليل
 واركن بتون دنيا نك قوم عتيق علما سنه ميدان او قوروز ماده
 معنا علماً حكمة فلسفة آنلرك كافه سندن اعلم اعظم اقدس
 واشرف والاصل حكم قرآنجه وقت حاضرده فرقة ناجيه محاربه
 اولان فرقة اتحاد وغازی على الكفار بالنسبه غالب اولمغله

ملائکدن حضرلردن اولیادن ارجح و اقدسدر زیرا آنلرک سایهسنده اولمش اولان ملت و خلافت اسلامیه یکیدن حیات بولدی اختلاف اتحاد نفاق صدقه و باطل حقه مغلوبیت غالبیت و کفار ایله ائتلاف تباین و خصومته تحول ایلدی و اما بنعمت ربک فحدث موجبنجه عصر مزده حضرلر غوثلر قطبلر ملکلر هپ کره ارض اوزرنده جوهر فرد مثابهسنده کی تورک حکومت حاضرهسندن بشقهسی دکلددر صلی الله تعالی علیه وسلم .

ا کر قوم عتیق علما و منتسبینی بحق مسلمان اولسه ایدیلر بویه مهم بر صروده حکم قرآن موجبنجه انما المؤمنون اخوة آیت جلیلهسیله لایؤمن احدکم حتی یحب لایه ما یحب لنفسه حدیث شریف حکمنجه دین قردشلرینه محبت ایدرلر ایدی آیت جلیلهنک معناسی مسلمانلر بر برینک قرداشیدر . حدیث شریفک معناسی ده بر کیمسه کندی دین قرداشنی کندی نفسی قدر سومزسه او کسهنک ایمانی قبول اولماز اقوال شریفه . سنه رعایت ایدرلردی .

کور بیورم که رمضان شریفده هر خواجهنک شیخک حتی بک چوق کسهلرک اللرنده طقسان طقوز حبهلی برر تسبیح وار آنلر جناب حقک اسماء الحسنی دنیلن طقسان طقوز اسم و صفات شریفهسی عددنجه مرتبدر رسول اکرم افندیمز تخلقوا باخلاق الله والتصفوا بصفات الله بیورهرق سز جناب حقک صفات

واخلاقیه متصف اولکنز که اوزمان مؤمن و مسلمان اوله سکنز
 دیرلردی طقسان طقوز اسماء و صفات اللمهدن بعضیلری ده حکیم
 صانع غیور صبور شکور، غنی، عزیز ذوالنقام در حکیم، حکمت
 نظریه و علمییه و علم حکمت و طب و طبیعتیه واقف و علیم
 معناسنه در هانی سزدن بر حکیم واری ؟ . یوق . صانع، بالجمله
 اشیا و موجوداتک صانع و عاملی معناسنه در فابریقه لر کونا کون
 مصنوعات وجوده کتیرر صنایعکنز واری ؟ . یوق . غیور
 غیرتلی معناسنه در . روم ایلیده دین قرداشر مزدن ذ کور وانات
 صغار و کبار و شهاب و ابکارک جانی مالی عرضی کفار و فجار طرفندن
 پایمال ایدلدی سزدن دین قرداشر یخی بو فلا کتدن خلاص ایتمک ایچون
 متحدا و خلوص نیتله جان و مالی مدافعه ملییه حصر ایدن بر
 غیور یکنز واری ؟ . یوق . صبور، کفار قارشو سنده دین و وطن
 محافظه سی او غورنده قورشون و کله لره شدت حرارت و برودته
 جوع و برودته رضاء الله تحمل ایدن صبور لر یکنز واری ؟ . یوق .
 شکور دنیاده ملیونلره بالغ اولان مسلمانلرک همان چوغی
 خرسن بیان حکمدار لرینه تابع خرسن بیان مأمور لرینه مطیع و منقاد
 اولدیغنی بیلور سکنز سرجهانده جوهر فردم ثابته سنده بولنان خلیفه
 اسلام اولان تورک حکومتک سایه عاطفته ده مستظل امن و امان

ایکن حرب ظہر رزنده مالاً بدنأ حکومت مزہ یاردم ایدہ رک
 نائل اولدیغکز نعمت کبرایہ شکور اولدیگزمی؟.. یوق .
 عزیز ذوالنتقام، روم ایلیدہ اولان مظالم اوزرینہ روم بلغار کبی
 دشمن دین و ملت اولان صلییلرہ قارشو هیچ اولمزسہ آنلرلہ
 آلیش ویریش ایتمامک صورتیلہ انتقام آرزو سندنہ بولندیگزمی؟.
 یوق. او یلہ ایسہ اللریک زده کی تسبیح طوق کردن خروسک درہ.
 قوم عتیق مدرسری شیخلری مؤذنلری و آنلرہ تابع اولان
 جم غفیر نمازدن صکرہ کی دعا لرندہ الوداع یاشہر رمضان الوداع
 یاشہر غفران دیہ فریاد ایتدکجہ ہرکس کوزندن دموع تأثر
 دوکیور بونلردن هیچ بری الوداع یا مبارک کثیر الواردات و برکت
 اولاد و طنک خون پاکیلہ سرخ رنک نجوم سما کی قیمت و بہادہ مشعشع
 جنتلر کی مقدس وطن الوداع یاشہر سلانیک الوداع یا مناسترو اسکوب
 الوداع یانیہ واشقودرہ الوداع یا کریددہ آغاچ دین برمسلم عاقل
 یوقیدر؟ الوداع عرض و ناموس الوداع دین یوقی؟ اولسہ ایدی
 بن دہ آنلرہ حکم قرآن و حدیث موجینجہ مسلمان دیر ایدم .
 چونکہ حکم قرآن موجینجہ بر کسہ بتون رمضان بلا عذر
 یمش اولسہ قضاء مافات ایچون بریا خود ایکی چوال اون کافیدر .
 فقط و طنک باشنہ کلن شو فلا کتک تلافی مافاتی ملیونلر جہ

طوره التوزايله ممكن دكلدر . ايسته قوم عتيق عندنده بتون وطن
وملت دشمن آياغي آلتنده پامال اولسه بر رمضان قدر حيثي
يوقدر . لعنت الله على القوم العتيق ورحمت الله على القوم الجديد
اللهم دمر القوم العتيق بقهرك وغضبك وانصر القوم الجديد
بفضلك وجودك يا كريم بحرمة سيد المرسلين برحمتك يا ارحم
الراحمين والسلام .



